



The
EDWARD E AYER COLLECTION
of
THE NEWBERRY LIBRARY

Johs. Hastings.

THE
ACTS OF THE APOSTLES,

TRANSLATED INTO THE LANGUAGE

OF THE

ESQUIMAUX INDIANS,

ON THE

COAST OF LABRADOR:

BY THE

MISSIONARIES

OF THE

UNITAS FRATRUM, or UNITED BRETHREN,

Residing at

NAIN, OKKAK, AND HOPEDALE.

Printed at the Expense of

The British and Foreign Bible Society.

London:

PRINTED BY W. M'DOWALL, PEMBERTON ROW, GOUGH SQUARE.
FLEET STREET.

1816.

THE

ACTS OF THE ALLEGES

TRANSLATED INTO THE ENGLISH

OF THE

ESQUIMAUX INDIANS

OF THE

COAST OF NEW BRUNSWICK

BY

MICHAEL J. HARRIS

OF THE

UNITED STATES OF AMERICA

WASHINGTON

1880

PRINTED BY

THE BUREAU OF THE GEOLOGICAL SURVEY

WASHINGTON

RECEIVED AT THE BUREAU OF THE GEOLOGICAL SURVEY

1880

APOSTELIT PINIARNINGIT.

LUCASIB AGLAKTANGIT.

KAPITELEMIK I.

Kristusib killaliarninganik Mattiase Aposteleokovlugo annerimaninganik.

Okautsit sivorlīt aglagērtakka Teofilus nægliktak! Jesusib tattaminiarnartuliningillo ajokertutingillo tamaita pivlugit.

2. Uvlok taimna kangattartaungmet (killingmut) tikkidlugo, Apostelit añerijane pinniareksangiņik okautekaramigit, Annernermut ajunginermut.

3. Āniatitaujungnērame, taipkonunga sakkerpok omardlune, okpernartuņut tattaminiarnartuņut, taipkonunga tækkotiname uvluņik 40 nik, okautivlugillo Gudib nālegauninget pinganik.

B

4. Kattersoramigit, innerterpeit, Jerusale-mik keṁaerkoṇagit, Atātable okautigilauktanganik uttakkekoveit, tussalauktapsingnik uvamnit (okarpok).

5. Johaṇese baptisilauktok iṁermut, illipsele baptitaujomārpose Annernermut ajunginermut, uvlut ikkitut kingorngatigut.

6. Katti-ajulle apperivæt okardlutik: Nālegak, maṇakut Israelib nālegauninga idluarsijomaviuk?

7. Kioveit: Nelliunermik nellunaikutamiglonēt kaujiṁajariakangilase, Atātab ajugakangitub issumaminik pijomārpa.

8. Illipsele Annernerub ajunginerub illipsingnut pijuksab pitsartuninga pilārpasse, illipselo okautigijomārpapsinga Jerusalemiuñut, Judeamiuñullo illunainut, Samariamiuñullo, Sillaksublo issuanut.

9. Taimak okarame, kangattartitauvok tækkuksauvlune, tautuktillugit nuvujab kangattartipa.

10. Killangmut kangattartok ärlorvigingmatsuk, ahak, angutik magguk kakkortængnik anoralak seṇianetuk;

11. Imak okarpuk: okokse angutit Gali-

læamiut, sög nangerluse killangmut ärlorpise? Jesuse tamna illipsingnit kangattartitaujok, ama tikkitsomärivok, sorlo tækkulauktasse killangmut kangattartok.

12. Jerusalemut tava utterput, kakkamit taimajomit orksuktalingmik, Jerusalemit kañitok, sorlo Sabbateme pissukpaktut.

13. Itteramik, kallerëngmut majoarput, tagvanelerdlutik, Petruselo, Jakobuselo, Johañeselo, Andreaselo, Filippuselo, Tomaselo, Bartolomæuselo, Matthæuselo, Jakobuselo Alfæusim erninga, Simonelo Zelotes, Judase-lo Jakobusib nukkā.

14. Tapkoa illunatik attántsemeput sorë-ratik illagëkput annersaumivlutik tuksiarput (Gudemut) arngnet illagællugit, Marialo Jesusib anānanga, kattangutingillo.

15. Uvlune taipkonane illinniartut ak-korngane Petruse nikovipok okarlune: (kattimajulle tagvane 120 öjut).

16. Okokse angutit kattangutigët, aglait ipkoa nellautsekovlugit pijariakalaukput, Annernerub ajunginerub okautigijangit si-vorngagut, Davidib kaningagut, Judase piv-

lugo, Jesusemik tigusilauktut sivorlerijang-et.

17. Uvagut illagilauktavut kivgaukattigilälo.

18. Taimna perorsēvik pinerpa akkilertaulungnerminut, ingminik kimipok, kattek-kamelo kărpok, erchavingillo illunatik añivut.

19. Tamaña tussaumavæt Jernsalemiut illunatik; taimaitomik, perorsēvik taimna taigivæt okautsimingnut Hakeldamamik, imaipok: Aub perorsēvinganik.

20. Aglaksiṁangmet Erinalingne aglangne: Iglunga innukarungnērtuksak, iglogilugolo innukangilak, assiello simmeromärpa ajokertuijuksab.

21. Taimak pivlugo angutit ukkoa illanget najortigitsainalauktavut Nălegak Jesuse añitillugo ittertillugolo uvaptingne.

22. Johaṁesib baptisilerninganit, uvlomut uvaptingnit kangattartauninganut tikkidlugo, okarkattigijeksarivavut (Jesusib) omarninganik.

23. Magguk ingmigut pitipakit Josefe

Barsabamik taijak Justuse attipsälik, Mathiaselo;

24. Tuksiarlutik okarput: Nãlegak, innuit illunamasiatik omættingit kaujimãgangne, nellonẽruk okkungnanget maggungnit nelliak añeringmangangne;

25. Illanget ajokertuijuksaukovlugo, Aposteleokovlugolo, Judase iñiminut aigame, kemektanganik pilerkovlugo.

26. Imerautigileramikit, Mathiasẽ sãpa nellaulugo, Apostelinut arkangartuñut tava illautitaulerpok.

KAPITELEMIK II.

Annernermik ajunginermik Apostelit illumertauninginnik.

Pentekostib uvlungit nelliutingmetta illagẽklutik illunatik attautsimeput.

2. Tagvainak siorsuksub killangmit sorlo anorersoarmit ingergajomit pijub iglo najuganget illumilerpa.

3. Okangit koppimauktut ikkomatun-ïtut tækkuksaulerput, illunatik ingmikõrtidlugit tupvigilerpeit.

4. Illunatik illumertitaulerput Annerner-mik ajunginermik, okälalerlutiglo okautsin-nut illiniarsimangitangiñut Annernerub ajunginerub okälatimagit.

5. Judekarpoktauk Jerusaleme, Gudemik nälektuñik angutiñik, innungnit tamainit, killaub atänetuñit pijuñik.

6. Siorsuksoak tamaña tussaramitsuk, un-nuktorsuit kattilerput koaksangadlarlutik, illunatik okausitik tapkonanget attortaujut tussaramikit.

7. Illunamasiatik erksilerput tattaminia-r-lutik, ingmingnullo okarlutik: Ahak, ukkoa okälajut illunatik Gallilæamiungilet?

8. Kañok tamapta ingmikõrluta okauseri-javut innulerniptingnit tussarpitigik?

9. Partherillo, Mederillo, Elamitterillo, uvagullo nunakartogut Mesopotamiamel, Ju-dæamel, Kappadotsiamelo, Pontomelo, Äsi-amelo,

10. Frygiamelo, Pamfiliamelo, Egipten-

melo, Libieniblo erkānetuñe, Zyrenib senniane, Romiullo tækkorngartut.

11. Judillo Judiojærtullo, Kreterillo, Araberillo, tussarpavut okartut Gudib tattaminiarnartullininganik, okausivut attorlugit.

12. Illunatik tava koaksāngadlarput, uimamadlalarmiglo ingmingnut okarput: Kañok illinganiarka tamaña?

13. Illangille mitteklutik okalulerput: Mamarnermik Weinemik iṁeksiṁavut.

14. Petruse tava nikkovipok arkangartut illagivlugit kaggudlarlune okautiveit: Okokse Judit angutit, Jerusalemiullo tamapse, tamaña kaujilersiuk, okausikkalo tussāsīgik.

15. Iṁeksimangilet ukkoa iṁeksimasugijase; uvlub nellunaikutanga pingatsertuinarmellonēt.

16. Tamadsale nellautaijub Joelib okautigilauktanga sivorngagut, imak:

17. Uvlut kingorliæne imaitsomārpok, Gude okarpok, innungnut tamainut Annernera kovijomavara; erngniselo panniselo nellautsijuksamik okaromārput, iṁuosuktose-

lo angutit tautugomärput tækkotitsümik, itu-selo siñektõmajomärput;

18. Uvlune taipkonane kivgamnut angutiñut, arngneñullo Annernera kovijomavara nellautsijuksamik okaronärput;

19. Tattaminiarnartullijomavungatauk pikkane killangme, nellunaikutamiglo attäne nuname, aungmiglo, ikkomamiglo, isserlublo pujuanik;

20. Sekkenek täktorsojomärpok, takkerlo aukten-itsomärpok, Nälekab uvloksoanga änanaujok nelliutekãrtiñago;

21. Tava imaitsomärpok, Nälekab attinga taivluga tuksiartok, piulijaujomärpok.

22. Okokse Israelitit angutit, okautsit ukkoa tussäsigik: Jesuse Nazaremiok, Angut Gudemit, nellonarungnërtanjok illipsingnut, pitsartunermut tattaminiarnartuñut nellunai-kutaksoarnullo, Gudib pilauktanganut tapso-muna akkunapsingne, (nangminek tamakkoa kaujimavasse),

23. Tamna (Gudib issumasëmanerminut pijomajaminullo tuñilaungmago) tiguvasse, ajortulliartut aggangiñut kikkiektortautilugo senningajolingmut tokkopasse.

24. Tamna Gudib makkitipa, tokkub äni-anarninganit përlugo, (tokkomut), tagvaneti-tautsainarungnængimet.

25. Davidib okautigingmago, imāk: Näle-gak taututsainarpara, tallerpingma senniane-met, aulatauķoņanga.

26. Taimaitomik omættiga kuvasukpok, okaralo serridlarpok; timigatauk nerriuklune merngoērseromārpok.

27. Tarngniga annernerit iņiņgiņētsainar-kojomanginangne, ajunginerillo (Kristuse) asserorkojomatsenginivet.

28. Omanartub apkotānik nellojungnērti-laukparma. Kēnavit sāngane kuvasungner-mik illumertitsomārpama.

29. Okokse angutit kattangutigēt, inner-tertaunanga atāta Patriarche Davide okauti-gilago illipsingnut: Taimna tokkovlunelo illuvertaujok, illuvingalo uvaptingnēpok sulle uvlome.

30. Nellautaijōgame, nellunginamelo, o-kautsemik okpernartomik Gudib okauti-laungmago, kinguvāksanget, uviningmit Kristuse makkititsomavlugo, iksivautakso-anganut iksivakojomārpa.

31. Sivorngagut tamaña tækkova, Kristusse omaromärtok okautigiva, tarngninga annernerit iñingiñëtsainangitok, uviningello asseŕornek tækkolaunginiva.

32. Jesuse tamna Gudib omartilaukpa; tamaña illunata kaujimavavut.

33. Mana Gudib tallerpianut kollanger-taugame, Atåtáb angersimāninganik Annernek ajunginek pilauramiuk; tamattominga tagva kovisijok, tækkojasse tussartasselo.

34. Davide killangmut kangattarsimāngilak, okarporle: Nālegak Nālekamnut okarpok, tallerpingma tungānut ingitit.

35. Omigijittit illekārtiñagit ittikkavit tul-lareksanginut.

36. Tamaña pivlugo Israelib kinguvāngit tamapse kaujimatsialeritse, Jesuse tamna kikkiektorlauktasse senningajolingmut, Gudib Nālegangortilālo Kristusingortilaukpa.

37. Tamaña tussaramitsuk, kibliktitaulerput omættimikut, Petrusemullo assinginnullo Apostelinut okarlutik: Okokse angutit kat-tangutigët, kañok piniarkita?

38. Petrusib kioveit: Kakkialeritse, baptitaulerluselo illunase, Jesusib Kristusib at-

tinganut, ajornise pējarkovlugit, Annernerub
ajunginerub tunnergutānik pilārpose;

39. Illipsingnut kittorngapsingnullo okaut-
sit ukkoa illingavut, ungasiktometuñullo ta-
mainut, Nālekab Gudipta kaikojomārtang-
iñut tamaunga.

40. Okautsiñut unnuktuñut ukkoa illagæl-
lugit okautiveit, kaiblarlugillo, okarpok:
Piulijauniaritse kinguvāngukattigēngnit uk-
konanget tappatojuñit.

41. Okausinganik kувiasuklutik nālektut,
baptitaulerput; uvlok taimna illaulerput
3000 denik.

42. Apostelittauk ajokertutingiñik nālet-
sainalerput, illagēklutiglo, kākkojeñiglo av-
goilutik tuksiarkattigēklutiglo.

43. Innuille illunatik erksilerput; Apos-
telittigullo tattaminiarnartuñik nellunaiku-
taksorniglo unnuktuñik pijokalerpok.

44. Okpertulle illunatik attautsimēput per-
kuttitiglo pigællugit kattutiveit.

45. Perkotitik pittiglo pissiniutigivlugit
pitsitigiveit akkingit illamingnut tunniveit
ajorsartunnut illunainut aviklugit.

46. Uvlut tamaita illagēklutik kattiṁavik-

soarmětsainarput, kakkojello avgorpeit iglune tamaine.

47. Nerrivut, Gude kujagællugo kuviasungnermut omamut piojorinatik, innungnut tamainut nægligijauvut. Okpertuñullo Nãlegak illautitsivok uvlut tamaita pilloriktitaulertuñik.

KAPITELEMIK III.

Angutib sibvê tub akiktauninganik.

Petrusele Johaņese aiparællugo majorarkattigêkpuk kattimaviksoarmut, uvlob nellunaikutanga arvengemit sittamalermet, tuksiarviet nelliutingmet.

2. Angut tagvanêtok kigliminit sibvêtok, akigartaujok, taimna uvlut tamaita illivæt kattiṁaviksub ittertarviet pinarnartomik taijaujub kiglinganut, kattiṁaviksoarmut itteriartortut tuksiarvigekovlugit tuunergūmik.

3. Petruselo Johaņeselo kattimaviksoarmut

itteromajuk, tapsoma tækkogamigik kennu-
vigivak tunnergûmik.

4. Petrusible Johañesiblo tækkunãrpæk
okarlutik: Tækkusarittiguk.

5. Tækkunãrpak tagva, sumik tunnitsivi-
oniarasugællune.

6. Petrusele okarpok: Silberemik Golde-
miglonët pekkangilanga; pigijamnigle tun-
nitsivigivagit, Jesusib Kristusib Nazaremiub
attingane, nikkovidlutillo pissugit.

7. Tallerpiagut tiguvlugo nikkovitipa,
Tagvainak niugik kamgagiglo nukkekaler-
put.

8. Kiggerdlune nangerlarmelo pissukpok,
kattimaviksoarmut illagællugik pivok, arver-
tarlune kiggertarlarmelo Gude nakorid-
larpa.

9. Innuit illunatik tækkovæt pissuktok,
Gudelo nakorivlugo.

10. Illitarivættauk taimnaungmet kattim-
maviksub ittertariet pinarnartub kiglingane
iksivalauktok, tuñergûmik tuksiarlune, tai-
mailiorviongmet koaksãngalarmiglo tattami-
niadlarput.

11. Pissujitolauktub, manale pijungnêr-

tub, Pētruselo Johaṇeselo najugaringmagik, innuit illunatik akpangerlutik nellipsarpeit Salomonib pānganik taijaujomut, tattaminiarlarmiglo.

12. Petrusib tækkogamigit, innuit okautiveit: Okokse angutit Israelitit, sōg tamattominga tattaminiarkise? Sōglo uvajtingnik tækkonārkise, sorlo tamna pissuktipavuk nangminek pitsartuniptingnik ajunginipungniglonēt?

13. Abrahamib, Isaakiblo, Jakoblo Gudingita, angajokapta Gudingita, kittorngane Jesuse ānanausitilaukpa, uñertolauktasse missiutigilauktasselo Pilatusemut, taipsoma aularkojomanginago.

14. Illipsele ajungitotauk idluartotuarlo missiutigilaukpasse, tuksiarluse innuartok pijomavlugo;

15. Omanartuble Nāleganga tokkopasse; tamna Gudib omartipa tokkungajuñit, uvagut tamaña tækkovavut.

16. Okperællugo attinga, tapsoma attinget nekkorsitipa, una tækkojasse illitarijasselo, okpernermut tapsoma attinganut pijungnērpek illunase tækkojasse.

17. Tagva kattangutikka, kaujimavapse, nellovluse taimailiorlauktose, taimāglo angajokase.

18. Gudible nellautisiṁava sivornagut okautigijane nellautaijut illunatik kanningittigut, Kristuse āniatitaujomārtok okarlune.

19. Taimaitomik kakkialeritse, sāgiaritse, ajornisse pējartaukovlugit.

20. Nekkoksitiksak (illipsingnut) nellauterkovlugo Nālekab kēnanganit, tapsoma tillikpago Jesuse Kristuse, sivornagut okautigijak illipsingnut.

21. Killangmut itteriakalauktok namakse-kārtiṇagit, tamaita okauserilauktangit nellautaijut ajungitut illunatik kanningittigut, silarsub pigiarninganit.

22. Mosese sivorlernut okalaungmet: Nālekab Gudipse tuṇitsivigijomārpāse nellautaijomik, kattangutipsingnit uvaptunītomik; tapsoma okausingit illipsingnut tus-sagõreksarivasse tamaita.

23. Inaitsomārpok, nelliet tapsominga nellautaijomik tussāngitok iṇuk, pērtaujomārpok innungnit.

24. Nellautaijut illunatik Samuelemit, kingorngagullo okälalauktut illunatik, uvlut tamakkoa sivorngagut okautigiveit.

25. Nellautaijut kittorngarivāse, Gudiblo angersiṁanīnga angajokaptingnut, pivasse, Abrahamut okarame: Kinguvāksarnut sillarsoarmiut illunamasiangita saimartitaujomārput.

26. Illipse sivorliovluse, kittorngane Jesuse Gudib omartinamiuk illipsingnut tilliva saimartitsomavluse, tamapse ingmikörluse sāgiarkovluse ajortulliarnipsingnit.

KAPITELEMIK IV.

*Petrusiblo Johannesiblo parngnanērsimma-
vingmut pititauningingnik.*

Innungnulle okālatillugik, ajokertuijut, kattimaviksublo kappitanget, Sadusæerillo opingarpakit.

2. Tapkoa idluigosukput, innuit ajoker-

tormatikik, okālangmenniglo omaromārto-
mik Jesuse (pingmet).

3. Tiguvlugik tava, parngnanērsimaving-
mut ittertipakit, kaulersēblutik taipsomane
unungmet.

4. Okautsiñigle tussartut unnuktut okpi-
lerput; kittilugit angutit 5000 dit.

5. Kaungmet, kappitait, angajokajello,
aglangniglo illissimajut kachimiolerput Je-
rusaleme,

6. Hañaselo ajokertuinerōjok, Kaifaselo,
Johañeselo, Aleksanderlo, kapsēllo ajokertui-
nerōjub illangit tamaita.

7. Sāmingnut pitipakit (Petruselo Johan-
neselo) appersordlugik: Kia taimāk perko-
vatik, kialo attingane taimailiorkitik?

8. Petrusib Annernermik ajunginermik
illumiktorsōvlune okautiveit: Okokse innuit
kappitangit, Israeliblo angajokangit,

9. Kiglissiniartaugumnuk uvlome ajungi-
tulliarnek innungmut (omunga) ajulertomut
pivlugo, Kañoētomut akiktaungmangat?

10. Illunase Israelittillo illunatik kauji-
lerksiuk tagva, Jesusib Kristusib Nazaremiub
atinganut, kikkiektorlauktasse senningajo

lingmut, Gudib omartitanget tokkungajuñit, tapsomunga pijungnërdlune una mäne nangertok tækkojasse.

11. Ujarak taimnauvok, illipse igluliortose ĕgilauktasse, iglub terrekoa ujaraulerner-tok.

12. Assianik piulijiksakangilak, attekangilarlo assianik killaub attäne, innungnut tunnijaujomik tapsomunga pilloriktitaikovluta.

13. Petruselo Johañeselo erksingituk tækogamikik, kanjileramikiglo angutik illinialaungituk, (aglangnik) kaujimatsiaratik tattaminiarput, il'itarivakittauk Jesuse illagilaungmakko.

14. Innugle pijungnërtok senniængnetok tækkogamitsuk, okausiksakangilet.

15. Annekovakit tava kiglissiñiartuñit, issumasiñialerput ingmingnut okarlutik:

16. Innungnut ukkungnunga kannok iliorpita? tattaminiarnartullinek tapkungnuna pijok, Jerusalemiut illunatik kaujimavæt, uvagullo missiarnermik sapperpogut;

17. Kaujijauvalliakoñagole innungnut angijomik innerterlavut, mattoma kingorng-

agut innungmut attausemullonēt okarkoñagik tapsoma attinganik.

18. Kaikogamikik angijomik innerterpakit okarkoñagik, ajokertuerkoñagiglo Jesusim attinganik.

19. Petrusible Johañesiblo kioveit okautivlugit: Nangminek erkarsaritse, Gudeme idluarmangat, illipse nälengnersarigupse Gudemit?

20. Tækkojavut tussartavullo okautiginagit sapperpoguk.

21. Innerterlugik tagva aularkovakit, nachvānginamik āniatissitiksamik tapkungnunga innuit pivlugit, Gude illunatik nakkoridlangmatsuk, innuk pijungnērtok pivlugo.

22. Innub tapsoma pijungnērtub okkiungit 40 git unūkearingmagit.

23. Aularkongmakit, illamingnut okariartorpuk, ajokertuijoksuit angajokajello okausingiik.

24. Tamaña tussaramitsuk, illagēklutik niplilerput Gudemut okarlutik: Nālegak Gudiōvotit, killaklo, nunalo, imakpiglo, pingillo tamaita pingortipettit;

25. Kivgavit Davidib kaningagut okalauktotit: Sög nellojut ningarosukkæt, innuillo sög issumasiniarpæt ajornartomik?

26. Nunab attañivingit kattilerput, nālegaksuillo attautsimut pivut (akkerartorlutik) Nālekamut, Kristusinganullo.

27. Ahammerik illa, kattivut kittorngarnut ajungitotuamut Jesusemut, saimartilauktarnut, Herodesiblo Pontius Pilatusib, nellojullo Israeliblo innungit illagivlugit.

28. Illioromavlugo, sivorngagut aggangnut issumasimanernullo taimailiortitarnik.

29. Mānale Nālegak, innerterilungningiñik tækkusarit, kivgarnullo tunnijilaumit sivōranatik okālakovlugit okausemnik.

30. Aggaktillo isektikit, innuliklerneramik, nellunaikutaksoarmiglo, tattaminiarnartuñiglo pijokarkovlugo, kittorngavit ajungitotirab Jesusib attingane.

31. Tuksiarmetta, najuganget aulavok; illunatiglo Annerneramik ajunginermik illumilerput, Gudiblo okausinganik okālavut erksinatik.

32. Okpertulle unnuktorsuit (sorlo) atautsemik omættekarlarmiglo, attautsemik tarng-

nekarput; perkuttimingniglo okartokangilet piñe taivlugit, tamaita pigileramikit nellietta.

33. Apostelillo kimnadlartomut Nälekaab Jesusib makkitaninga okautigivæt, illunatiglo saimarsautekarput angijoksoarmik.

34. Ajorsartokangilak akkunermingne; perorsëvingnik igluñiglo pekkartut, pissiniutigiveit, akkingillo äpeit.

35. Apostelit ittiggangiñut illivlugit; tuniokarpeit tava ajorsartañut, illunatik attoreksangiñik.

36. Josesele attipsälik, Apostelit taijanget Barnabasemik (imaipok: Mannigornerub erngninga) Leviteõjok, Zypernme innulertok.

37. Perorsëvekarama, tapsoma pissiniutigiva (akkingit) kēnaujet äpeit, Apostelit ittiggangiñut illivlugit.

KAPITELEMIK V.

*Ananiasiblo Safirablo tuavitomik tokkuning-
anginnik.*

Angutible Ananiasemik attiggub, Safirablo nulliane perkutinne pissiniutigiveit.

2. Akkingit kēnaujet illangit angigutsutigiveit, nulliane kaujimatillugo, illainangille äpeit, Apostelit ittiggangiñut illivlugit.

3. Petrusele okarpok: Ananiase, omættit Satanasib sōg illumavaũk, Annernek ajunginek sæglokidlarlugo, perorsēviub akkingita illangit angigutsutigivlugit?

4. Perorsēvigigangne pigituinaria kalaupet, pissiniutigilerangnelo akkainga nangminerivet, (taimaimet) sōg omættingne taimak issumalaukpit? innuit sæglokingilettit, Gudele sæglokipet.

5. Okautsit tapkoa Ananiasib tussaramigit, ochovok annernekarungnērlune; tamat-

tominga tussartut illunatik angijomik erksivut.

6. Innuosuktulle angutit nikkovidlutik assianut illivæt, annitilugolo illuverpæt.

7. Nellunaikutet pingasulermetta kingorngane, nullia itterpok, nellovlune kannoẽtokalernermangat.

8. Petrusib imāk okautiva: Okautilaunga perorsẽvik taimāk akkitutigijomik akkekar-ka? kiova: Ahaila, taimāk akkekarpok.

9. Petrusible okautiva: Sög illagẽkpitik Nālekab Annerninga õktoromavlugo? ahāk, uingnik illuversijut ittiggangit ubkutsab silatāneput, igvittauk annitiniarivātīt.

10. Tagvaĩnak ittiggangiñut ochovok, annernekarungnẽrlune. Innuosuktut angutit itteramik, tokkungajok naipipæt, annitilugo uinganut illuverpæt.

11. Illagẽktut illunatik angijomik erksilerput, tussartullo tamattominga illunatik.

12. Apostelille aggangittigut unnuktuñik nellunaikuteñik tattaminiarnartuñiglo pivut innungne, illunatik attautsimeput illagẽklutik Salomonib pāngane.

13. Assingitale najorlugit sivõragiveit, innuille pilloriktokotigiveit.

14. Nālekamulle okpilertut unnuksivaliavut, angutillo arngnello unnuktorsuit.

15. Kannimajut aglæ̃t iglut akkornganut annitipeit, aumittinnullo akigautiñullo illiveit, Petrusib sennerkokpagit tacharminut tālerkovlugit illangit.

16. Innugiartoksuittank iglugaseksoarnit erkānetuñit Jerusalemut pivut, kannimajut, annernernullo makkojungnartuñut kappiasuktitaujut tikkiupeit, illunatik pijungnērtitauvut.

17. Ajokertuinerõjorle nikkovipok, illagijannelo illunatik, (Saduzæerõjut) ningarosulertutik.

18. Apostelit tava tiguveit, parngnanērsimavingmut ittertidlugit.

19. Nālekable Engelinget parngnanērsimaviub upkuanga mattuērpa unuame, annitilugillo, okarpok:

20. Aileritse, sakkerluse kattimaviksoarme innungnut okālatitse omanartub mattoma okausingiñik tamainik.

21. Tamaña tussaramitsuk, uvlārōrlutik

kattimaviksoarmut ajokertuijartorput. Ajokertuinerõjuble tikkiname, illagijannelo kig-lissiñiartut kattersorkolerpeit, Israeliblo kit-torngangita angajokangit tamaita; parngna-nërsimavingmut tilliklerput aijaukovlugit ipkoa.

22. Kivgelle tagvunga pigamik, parngna-nërsimavingme kingorarpeit; angergarivut tava okariartorlutik,

23. Imāk okarput: parngnanërsimavik tikkikalloorpavut pallangërsimatsiartok, ud-sertortullo sillatānetut; upkuëraptigole in-nuksingilagut.

24. Ajokertuinerõjuble, kattimaviksublo kappitanget, ajokertuijoksuillo assingit, okautsit tapkoa tussaramikit, innertuivigiler-peit kannok tamanna illinganiarmangat.

25. Attauserle unipkariartorpok tapko-nunga imāk: Ahāk, angutit parngnanërsimā-vingmut egilauktasse, kattimaviksoarmeput, nangerlutik innuit ajokertorpeit.

26. Kappitanget kivgenne illagællugit tava pijartorpeit, pikablaniarnagille, innuit sivõragigamikit, ujarkenūt millortauniara-sugællutik.

27. Tikkiutigamikille, kiglissiniartuñut pitipeit; ajokertuinerjub appersorpeit,

28. Okarlune: Innertilaungilapse illungertorluta, ajokertuerkoñase tapsoma attingane? Ahäk, illipse Jerusalemiut illumiktialaupasse ajokertutipsingnut tamattomunga, innublo tapsoma aunga uvaptingnut pitisomavasse.

29. Petrusible kioveit, Apostelillo okarput: Gude nälengnarnersauvok innungnit.

30. Angajokapta Gudingita Jesuse makkitipa, tokkotasse nivingatinapsiuk kējungmut.

31. Tamna Gudib Nālegangortilaukpa Piulijungortilālo tallerpingminut; Israelitit tunnitsivigekovlugit kakkialernermik ajornerillo pējarningiñik.

32. Uvagut tamakkoninga unnertuitigivātigut, taimāktauk Annernerub ajunginerub, Gudib tunnilauktanget nālektuñut.

33. Tamaña tussaramitsuk, omættimikut sabvijartaujalerput, ingmingnullo okarlutik, tokkotsomavlugit.

34. Farisæerille illanget nikkovipok kiglissiñiartut akkorngane, Gamalielemik atte-

lik, perkojeņik ajokertuijok, innuit illunatik pillorigasugijanget, tapsoma Apostelit annikitomik annekoveit.

35. (Illaņe) okautiveit: Okokse angutit Israelitit, mianeritsiaritse illipsingnik, innuit ukkoa pivlugit, kannok piniaromangmangapsigik.

36. Uvlut tamakkoa sivorngatigut Teudase sakkerpök, ingminik pimariuterdlune, taimna angutigaseksuit 400 dit illagivæt; taimna tokkotauvok, malliktullo taipsominga illunatik siamardlutik nungutauvut.

37. Taipsoma kingorngagut Judase, Galilæamiok sakkerivok, uvlut (innungnik) aglaktauvit nelliutingmetta, innuit unnuktor-suit uivërivlugit illagiariveit; taimnatauk nungutaugivok, malliktullo taipsominga illunatik siamartauvut.

38. Māna tagva okautivapse: Innuit ukkoa allarsigik aularlit. Okautsit ukkoa piniarnerillo innungnit pituinarunik nungutso-mārput.

39. Gudemille pikpetta asserorlugit ajorpasse, Gudemut akkerartoromajutun-erkoņase.

40. Nälekpæt tagva, Apostelit kaikovlugit anaulilaitalo innerterpeit, Jesusim attingane okarkoñagit, aularkoveit tava.

41. Kuviasuklutik tava kiglissiñiartut kēnangiñit aularput, nikagijaunginamik mit-tantauvlutik Jesusim attinga pivlugo.

42. Sorēratik ajokertuivut uvlut tamaita kattimaviksoarme, iglunelo nelline, okantigiveit okautsit tussarnertut Jesuse Kristusemik,

KAPITELEMIK VI.

Stephanusib passijauninganik.

Uvlune taipkonane illinniartut unnudlalermetta, Judit Grichit avamudlalerput Ebraeiñut, uigarnitik issumagingimagit pik-sangiñik.

2. Arkangemit aggartut tava illiñiartiga-seksuit katterkolerpeit, okautivlugit: Idlua-

ringilavut tamaña, Gudim okausingit issu-
magijungnērlugit, kivgartorluta nerrijuñik.

3. Taimaitomik okokse kattangutigēt,
angutiñik arvengemit aggartuñik kennilau-
ritse illipsingnit, idluartokutaujuñik Anner-
nermik ajunginermik sillatunermiglo illumi-
lingnik, kivgeksaptingnik mattominga;

4. Uvagulle sorērata tuksiarlutalo okālajo-
mavogut okautsiñik tussarnertuñik.

5. Okautsit tamakkoa idluariveit illunatik
innugiartorsuit; Stephanuse annerivæt, angut
okpernermik Annernermiglo ajunginermik
illumiktorsoak, Filippuselo, Prochoruselo,
Nikanorlo, Timonelo, Parmenaselo, Niko-
lauselo, Judiojártok Antiochiamit.

6. Tapkoa Aposteliñut pitipeit, tuksiarlu-
tiglo aggangmingnut pättikpeit.

7. Gudible okausingit aglivalliavut, illia-
niartullo unnuktorsōlerput Jerusaleme; ajo-
kertuijuttauk unnuktut (Judinit) okpilerlutik
nālekput.

8. Stephanusele okpernermik pitsartuner-
miglo angijomik illumiovlune, tattaminiar-
nartullivok, nellunaikutaksoarniglo pivok
innungne.

9. Illangit sakkijalerput, illinniarvingmit taijamit Libertinerit, Zyrenerillo, Aleksanderillo, Zilisiamillo pijut, Äsiamillo, Stephanuse appersorpæt.

10. Sillatusiale annernerlo tapsomanget okälaninga, akkerartorlugo sapperpæt.

11. Angutit illangit ajokertorlugit okarkoveit, imäk: Tussalaukpavut okauserluktok Mosesemullo Gudemullo.

12. Innuit tava pikablätipeit, angajokajello, aglangniglo illissiñajut, tikkidlugo tava tessigoarpæt kiglissiñiartuñut äpæt.

13. Sæglotujoksuillo sakkertipeit, okälajut: Innuk una sorëngilak, okausiluktomik okarlune iglogaseksoarnut ivsornaituñut ukkonunga, perkojennullo.

14. Tussalaukpavut okartok; Jesusib Nazaremiub asseroromärpeit iglugaseksuit ukkoa, illutsillo ablapsautilugit, Mosesib tunnilauktangit uvaptingnut.

15. Tækkunāramitsuk kiglissiñiarvingme iksivajut illunatik, kënanga tækkovæt sorlo Engelib kënanga.

KAPITELEMIK VII.

*Ujarkennut millortauvlune, Stephanusib tok-
kotauninganik.*

Ajokertuinerõjorle okarpok: Tamanna
taimaika?

2. Kiova (Stephanusib): Okokse angutit
kattangutikka angajokãkkalo, nãlegitse!
Gude ãnanaujotuak tækkotipok atãtaptिंग-
nut Abrahamut, sulle Mesopotamiametillugo,
Haraneme nunakarkãrtinnago;

3. Okautilãlo: nunet kemeguk, illatillo,
nunamulle pīt; kaujititsomajamnut illing-
nut.

4. Kaldeamiut nunangænīt tava aularpok,
Haraneme nunakalerdlune. Atãtangale tok-
kungmet, tagvanget ama aulartiniva, nuna-
mut tamattomunga mãna najortapsingnut.

5. Tagvanele nunamik nangminiksanganik
pitingila, ittiggaktun silliktigijomiglonēt,
imãglo okaudlugo, tunnijomãrmago tapso-

munga, kinguvänginnullo aglæt, sulle kit-torngakangitok.

6. Gudele okartok imäk: kinguväksettit tujormijomärput nuname takkorngartame, taipkoa kippalugilugillo siorniortitsomärpeit Jahrenik 400 nik.

7. Innuille taipkoa kippalugijigijomär-tangit erkartoromavakka, Gude okarpok, kingorngagut aularomärput, tamänelo kiv-gartoromärpänga.

8. Nellunaikutamiglo tunnitsivigiva kippi-nermik; Isaak erngnerigamiuk, uvlut sitta-maujungane kippiva; Isaakiblo (erngneriva) Jako, Jakoblo (erngneriveit) Patriarchit ar-kangemit aggartut.

9. Patriarchille Josefe kenugivæt, Egip-tenmut pissiniutigivlugo, Gudible illagiva,

10. Piulivlugolo kappiasungningiñit ta-mainit, saimartilälo sillatutipa Faraomut, At-tannivingmut Egiptenme, tapsoma nälegang-ortipa Egiptenmut, Iglominullo tamainut.

11. Käkavaksoadlalerporle Egiptenme ta-mainie Kanaanemelo, kappiasuvaksoadlarlu-tik, angajokavuilo nerkiksamik ajorsaler-put.

12. Jakoble tussaramigit, Egiptermiut kakkojeksakartut, angajokavut tilliveit sivorlerpāmik.

13. Aipānigle pigamik, Josefe illitarijaulerpok angajuminut, Josefiblo illagasengit kaujijaulerivut Faraomut.

14. Josefib tilliklerlune atātane Jako ajaukova, illaminiglo tamainik 75 nik.

15. Jako tava Egiptenmut aivok, tagvane tokkovok, angajokāvullo.

16. Sichemmut ātauvut, illuvermut illijauvlutik, Abrahamib pissiarilauktanganut kēnaujennut, Hemorib Sichebib atātanget erngninganit.

17. Kaglilermet nellautsivia Gudib anger-sīmaninganik Abrahamut, innuit unnuksivut innugiartovaksōlerdlutik Egiptenme.

18. Assianik attanniviktārmetta, Josefemik kaujimangitomik.

19. Tamna uivēsardlune illaptingnut, angajokavut siorniortipeit, nutaranginiglo egi-tautitsivok, tokkolugit unnuksivalliarkonna-git.

20. Taipsomane Mosese innulerpok nuta-

rãrsuk pinarnartok Gudeme, takkiñik pinga-sunnik angutæt iglungane amãmaktitauvok.

21. Illijaumalermet (kõngmut) Faraob paninget piva, innoguilerlugo erngniksarijomavlugo.

22. Mosese ajokertortaulerpok Egiptermiut illissiñaningiñik tamainik, pitsartudlailarmelo okautsiñik piniarnerniglo.

23. Jahrekaleramele 40 nik issumakalerpok kattangutinne tækkojomavlugit, Israelib kittorngangit.

24. Illane tækkogamiuk sullinane akkunartaujok, sapputiva akkiniaklugo kappiasuktitanjok, Egiptermiok anauva tokkodlugo.

25. Kattangutingille tukkisiniarasugiveit, Gudib piulijomangmagit tapsoma aggangiñut; tukkisilungilælle.

26. Kaungmello tikkidlugit, aivalertuk tækkogamigik, sorërkolerpak okarlune: Okoktik angutik kattangutigëkpotik; sōg illiptingnut idluitomik pivitik?

27. Aiparminulle idluitomik pijub, ajekpa okarlune: Kia attanniotilaukpatit erkartuijuksautilarpillo uvaptingnut?

28. Tokkotsomavinga, sorlo ikpeksak Egiptenmiok tokkolauktet?

29. Okauserle tamna pivlugo, Mosese kemmāvok, tækkorngartaulerlune Medianib nunangane, tagvane erngnekalerpok maggungnik.

30. Jahre 40 git nāngmetta NāleKab Engelinga tækkotipok tapsomunga innukajuitome Sinaib kakkanget erkāne, nappartunne ikkoalajunne.

31. Mosesib tækkogamiuk, tautua tattaminiariva. Ullerneriarformago, NāleKab nippinget imāk piva.

32. Angajokavit Gudigivānga, Abrahamib Gudigivānga, Isaakib Gudigivānga, Jakoblo Gudigivānga. Mosesele sajulerpok, tækko-sarnerlo sapperpa.

33. Nālekable okautiva: Ittiggagutit ittiggangnit pēket, tullerartet nuna ivsornaimet.

34. Innukottima siorniorningit Egiptenmetut tækkogapkit, annersauminingillo tus-salaurapkit, akkarpunga piulijarteromavlugit. Mana kailutit, Egiptenmut tillijomavagit.

35. Mosese taimna, nãlegomangitangæt, okarlutik: Kia attanniotilaukpatit erkartuijuksautilarpillo uvaptingnut? tamna Gudib tilliva attanniokovlugo piulijiokovlugolo, Engelib agganginnut, tapsomunga tækkotitub nappartunne.

36. Tapsoma annitipeit, tattaminiarnar-tulligame nellunaikutaksoarnik Egiptenme, aupaluktublo immakpingane, innukajuitomelo Jahrene 40 gine.

37. Tagva imna Mosese, Israelib kittornganginnut okalauktok: Nãlekab Gudipse nel-lautaijomik tunnitsivigijomãrþåse kattangu-tipsingnit, uvaptun-ïtomik, tamna tussagõ-reksarivasse.

38. Taimnauvok, illagëktuñe-ïlauktok in-nukajuitome Engele illagællugo, tapsoma Sinaib kakkangane okautiva, angajokavullo okautiveit; tamna okautsinnik omanårtunnik pititanjok tunnitsiviokovluta.

39. Taimna angajokapta nãlegomangitanget, ajeklugole pivæt, omættimikut utter-lutik Egiptenmut;

40. Okarlutik Aronemut: Gudiksapting-

nik sennajaukotitigut, sivorliksaptingnik, Mosese imna Egiptenmit aularutsigilauktavut, kannoëlingangmangat nellogaptigo.

41. Uvluñe taipkonane Nochaub (adsinganik) sennavut, tunnijekseñiglo tunnijivlutik Gudiungitomut, sennajatiglo kувiasutigivæt.

42. Gudible allarlugit tunniveit, kivgartorkovlugit killaub pingiñik, taimak aglaksimmangmet nellautaijub aglanginne: Okokse Israelib kinguvāngit, tunnitsivigilaukpissinga tunnergutiñik nergsutinnik tokkotanik, assingiñiglonēt tunnijekseñik, Jahrene 40 ne innukajuitome?

43. Molochib tuppunga pivasse, Gudipselo Remfanib uvloriangit; āngoasse sennajasse tuksiarvigivlugit pivasse; tamanna pivlugo nutitsomavapse Babilonib ungatānut.

44. Angersiñanerub tuppunga angajokaptingnelauktok innukajuitome, taimak perkungmagit, Mosesemut okarame, adsililugo tækkojanne.

45. Tamanna angajokapta illanguvigivæt, Josualo illagællugo neksarpæt nunamut (Kanaanmut) nellojut nunagijangiñut, Gudib

pingudlartangit angajokapta kēnangiñit, taimailiorpok Davidib innulerninga tikkidlugō.

46. Tamna Gudib saimartimago, tuksiarvigiva iglulioromavlune Jacob Gudinganut.

47. Salomonible igluksanga sennava.

48. Kotsingnersable innigingileit kattimaviksuit aggangnut sennamajut, nellautaijok taimak okarpok.

49. Killak iksivautarivara, nunalo ittikkama tullerartanget; kannoētomik iglulioromavissinga, Nālegak okarpok; nanēlonēt merngoērserviksamnik?

50. Makkoa tamaita aggama sennalaungi-leit?

51. Tappatojorsuit ukkoa kippimangitose omættipsigut siutipsigullo, akkerartutsainarpasse Annernek ajunginek; sorlo angajokase pivut, illipsetauk taimainivose.

52. Nellautaijok nelliet angajokapse unangmilaungilæt? tokkolugillo piveit, okālalauktut idluartub tapsoma tikkitsomārninganik sivorngagut, manalo illipse pitilauktasse innuktasselo.

53. Perkojet pivasse Engelit pittitsining-innut, nãlengnagillo.

54. Tamanna tussaramitsuk omamikut sabijartaujalerput, nerkolartsivlutik tapso-munga.

55. (Stephanus) Annernermik ajunginer-mik angijomik illumiõgame, killangmut år-lorlune, Gudib ãnanauninga tækkova, Jesu-selo Gudib tallerpiet senniane nangertok; okarpok: Ahãk, killak angmajok tækkovara, Innublo Erngninga nangertok Gudib tallerpiet senniane.

56. Nipliadlalerpulle siutittik mattuvlugit, attautsekut sorsulerpæt, pingujarlugo iglo-gaseksoarnit, millulãlo ujarkennut.

57. Unertuiluktut annoratsetik illiveit in-nuosuktub ittiggangita kiglinganut, Sauluse-mik attiggub.

58. Stephanuse ujarkenut millorpæt, tuk-siartok okarlune: Nãlegak Jesuse, tarngniga piuk;

59. Sërkortolerpok nipliadlarlune: Nãlegak, ajorningit tamakkoa issumaginagit, tai-mak okarame tarngningërpok.

KAPITELEMIK VIII.

Angakomik Simonemik.

Tokkomatsuk Saulusibtauk idluariva. Taipsomane illagēktut Jerusalemetut angijomik unangmijaulerput, tapkoa illunatik siamakterput Judæablo, Samariablo nunangiñut, Apostelit kissimik pingilet.

2. Angutille okpertut Stephanuse illijartorpæt, angijomiglo keavæt.

3. Illagēktulle Saulusib nungupeit, iglut illunaita ittersärpaklūgit, angutillo arngnello sakkertipeit, parngnanērsimavingmut pitilugit.

4. Siamaktersimajulle arvertarput, okautsit tussarnertut okariartotigivlugit.

5. Filippusele attārpok iglogaseksoarnut Samariametuñut pivlune, Kristusemik okālavigiveit.

6. Innuit nālegiatsiarkattigēkput Filippusib okausingiñik, tussālarmiglo, tautularmiglo nellunaikutaksoarnik pijanginnik.

7. Annernerit makkojungnartut anningmetta unnuktunnit illumiktunnit nipliadlarlutik, tumaksajullo tussiaetullo unnuktut pijungnērput.

8. Iglugaseksoarne tagvane kuviasuvaksoadlalerput.

9. Angut tagvane, attinga Simon, sivorngagut torngilaukpok iglogaseksoarne tagvane, Samariamiut tapsoma uivēridlalaukpeit angakomarikjonermik, okarlune.

10. Tamna illunatik tettigivæt, mikkijullo angijullo, okarlutik: (Innuk) tamna Gudib pitsartunersoangatut-īpok.

11. Tettigivælle akkunērtomik uivēri-laungmagit angakotseminut.

12. Filippusele okperileramitsuk, okālajok Gudib nālegauninganik, Jesusiblo Kristusib attinganik; baptitaulerput angutillo arngnello.

13. Simontauk aglæt okperivok, baptitau-game Filippuse najugārilerpa, nellunaikutak-suillo tattaminiarnartullo pijut tækkogamigit, tattaminiarivok.

14. Apostelille Jerusalemetut tussaramik Samariamiunik Gudim okausingiñik illellio-

lertuñik; Petruselo Johañeselo taipkonunga tillivakit.

15. Tapkoa attāramik, tuksiarutiveit, Annernermik ajunginermik tunnitsiviokovlugin.

16. Sulle tapkoa illangellonēt tikkivigilaungila; baptitautuinarput Nālekab Jesusib Kristusib attinganut.

17. Aggangmingnut pattikamikit, Annernek ajunginek pigilerpæt.

18. Simonible tækkogamigit Annernermik ajunginermik pijut Apostelit aggangmingnut pattingmagit; kēnaujeñik tunnitsivigijomaveit,

19. Okarlune: Uvangatauk taimaitomik pitsartujomik tunnitsivigissinga, nelliet aggangnut pattikupko, Annernermik ajunginermik tunnitsiviokovlugo.

20. Petrusible okautiva: Kēnaujekottitit illagillugit erkartortait, issumagavit Gudib tunnergutā pissiarilugo kēnaujennut.

21. Okausek una piginago illangutiniangilellonēt, omættit idluangimet Gudemut.

22. Taimaitomik kakkialerit ominga idluilungnernik, Gudemullo tuksiarit omavīt

issumalungningit issumagijaujungnërkovlugit.

23. Tukkisigapkit, sungarmik kassilinar-tomik tættæpotit kellersorsiṁavlutillo idluluktomut.

24. Simonib kiova: Illipse Nālekamut tuksiaritse pivlunga, okautigijasse nelliellonēt uvamnut pekkoṇago.

25. Tapkoale, Nālekab okausingit kigligiutigilaitalo okautigilauramikit, Jerusalemutterput, okautsiṇik tussarnertuṇik okālavlutik Samaritit iglugaseksoanginne unnuktunne.

26. Nālekable Engelinga Filippusemut okarpok: nikkovidlutit sekkinnermut ailerit, apkosinek Jerusalem Gazamut illingajok attorlugo, innukangitokut.

27. Nikkovidlune ailerpok; ahāk, Aethiopiamiok (ingergajok), pimàklertok angut nālegaksoak, Kandaseme attañivingme arngname Aethiopiametub perkuttingiṇik illunainik pairsijok, tamna Jerusalem tuksiariartorlauktok Gudemut.

28. Mānale angergartok kemmukserlune, nellautaijub Jesaiasim aglangit attuarpeit.

29. (Gudib) Annerninga Filippusemut okarpok: Ailerit kemmuksit ukkoa najorniar-kit.

30. Filippuse akpangerlune tikkinamiuk tussarpa, nellautaijub Jesaiasim aglangiñik attuarsijok, apperivlugo piva: Attuartattit tukkisivigit?

31. Kiova: Kannok tukkisijungnarkik ajokertortaunanga? Filippuse innalerpa ikkimakattikkumavlugo.

32. Aglait attuartangit imaiput: aularudsauvok sorlo saugak tokkotauvingmut, sorlotau saugãrsuk kipsartiminut niplingitok, taimaktau tamna niplingitigivok.

33. Miklilersimānermine āniatitaunersoane annigorpeit; innuninget sivituninga kia okautigijungnarpauk? innujungnērmet nu-name.

34. Pimàklertub Filippuse kiova, okarlune: Kenuvigigapkit okautilaunga, nellautaijub kina pivauk? ingminiglonēt assiminiglonēt pinerpa?

35. Filippuse okālalerpok, okautsinnik tamakkoninga perkārdlune, okautivlugo

okautsinnik tussarnertunnik Jesuse pivlugo.

36. Ingergaramik tetsek tikkinamikko, attannek okarpok: Immek tagga, suna agviarmet baptitaungipik?

37. Filippuse okarpok: Omamut illuitomut okperuvit pijuksauvotit, kiova okarlune: Okperpunga, Jesuse Kristuse Gudib erngnerriva.

38. Kemmutik nokkarkovak, immermut tamarmik pivlutik, Filippuselo attannerlo, baptipa tagva.

39. Timuarmennik NāleKab Annerninget Filippuse aularutiva, attangub tækkojungnērpa; kuviasuklunele angergarpok.

40. Filippusele Asdome naipitauvok, tagvane arvertarpok, iglugaseksoarnut tamainut okautsit tussarnertut okautigiveit, Zæsariamut pivlune.

KAPITELEMIK IX.

*Tattaminiarnartomik Saulusib okaudsau-
ninganik.*

Sauluse sulle kinagiarklune sillukpok tok-
kotsilarmelo Nālekab illinniartingiñik,
ajokertuinerõjomut aivlune,

2. Tapsomanget aglangnik pijomavlune
Damaskusemut illinniarvingnut; nachvartu-
arune angutinnik arngnenniglonēt imāk ok-
pertunnik, kellersorlugit Jerusalemut tikki-
utsomavlugit.

3. Ingergartillugo, Damaskuse kagliler-
mago, killangmit kaumajub tagvaēnak kau-
maksārpa.

4. Nunamut ochovok, nippe tussarpa,
imāk okautsinne: Saul, Saul, sõg unangmi-
givinga?

5. Kiova: Nālegak, kinauvit? Nālegak
okarpok: Jesuseovunga unangmijet; sulo-
kamik tukarlutit ajorsaleromārpotit.

6. Sajulerlune koaksängadlalarmelo okarpok: Nālegak sumik piniarkovinga? Nāle-kab okautiva: Makkilutit iglogaseksoarnut ainiairit, tavane okautsaulārpotit piniartar-nik.

7. Angutille ingergakattingit, koaksäng-avlutik nangerput; nippe tussaramitsuk in-nuksinatiglo.

8. Saulusele makkipok nunamit, ijange-rame tautungilak; aggangittigut tava tessior-lugo, Damaskusemut pitipæt.

9. Uvlunne pingasunne tautugane, nerri-nanelo immingilak.

10. Damaskuseme illinniartok-īpok, Ana-niasemik attelik, tapsomunga Nālegak okar-pok tautukōrtillugo: Ananiase! kiova: Ova-nepunga Nālegak.

11. Nālekab okautiva: Nikkovidlutit, ai-niairit iglut akkorngattigut, apkosinek naggo-jomik taimajok attuaruk, Judab iglungane Saulusemik attelik apperkotigiuk, Tarsen-miok, ahāk, tuksiarpok (Gudemut).

12. Tautukōrlune tækkolaukpok angumik, Ananiasemik attelingmik, itteriartortiminik aggangminut pattiktiminik uitalerkovlugo.

13. Ananiasible kiova: Nālegak, angut taimna unnuktuñit tussaumavara kannok angijomik okperijitit kappiasuktilaukpeit Jerusaleme;

14. Ajokertuinerõjut perkongmatsuk, ovane kellersorlugit tamaita atternut tuksiar-tut.

15. Nālekable okautiva: ainiarit, tamna uvamne annerimmajok attortuksak, attera okautigilugo nellojuñut, attannivingnullo, Israeliblo kittorngangiñut.

16. Kaujititsomavara, kannok angijomik kappiasuktitauijomārpok attera pivlugo.

17. Ananiase aivok, igloinut itterame ag-gangminut pattikpa, okarlune: Kattanguti-ga Sauluse! Nālekab (Jesusib tækkotitub illingnut apkome, tamaungartillutit) tilli-vānga uititaukovlutit, illumertaukovlutillo Annernermik ajunginermik.

18. Tagvaēnak kavitsitut-ītut ijingnit kat-tekput, tautulerivok tava,

19. Makkilune baptitaulerpok, nerrilar-melo nekkorsijauvok. Illinniartut Damas-kusemetut Saulusib najulerpeit uvlut illang-iñik.

20. Tuavilune tava Kristuse okautigiva illinniarvingne, Gudim Erngnerijanga okarlune.

21. Tamattominga tussartut illunatik, tattaminiarput okarlutik: Asserorterilauktoungitok una tamainik Jerusaleme tuksiar-tunnik (Jesusim) attinganik, taimaitomik tamaunga pijok, kellersortaukovlugit ajokertuinerõjunnut pitilugit?

22. Sauluse nekkorsivalliavok, Judit Damaskusemiut nippangertipeit, (Jesuse) Kristuseojok okautigivlugo.

23. Uvlut unnuktut kingörngattigut, Judit ingmingnut okarput, tokkotsomavlugo.

24. Saulusele okautsaulerpok, unangmijomangmatsuk; ittertarvingne udsertorpæt uvlutillugolo unnuamelo tokkotsomavlugo.

25. Illinniartut tava unnuame ningitipæt amäksoarmut, karmaksuit sillatānut.

26. Sauluse Jerusalemut pigame, illinniar-tut illaginasualerpeit; illunatigle erksigivæt, okperatik illinniarteõngmet.

27. Barnabasible ingminut pitipa, Aposte-linnullo äpa, unipkautivlugillo kannok Nã-

legak (Paulusib) tækkolaungmago apkome, tapsomalo okautilaungmago, kannorlo sivõranane okālalaungmet Jesusim attinganik Damaskuseme.

28. Najugārilerpeit annivigivlugillo ittervigiveit Jerusalemiut sivõrananelo okālavok Nālekab Jesusib attinganik,

29. Okālavlunelo appersorpeit Grichtit (Judit); tapkoale issumalerput tokkotsomav-lugo.

30. Kattangutigēlle tussaramik tamattominga, Zæsariamut aiparivæt, ama tagvanget Tarsenmut pitinivæt.

31. Illagēktut mǎna unangmijaujungnērupt Judæame tamaine, Galilæamelo, Samariamelo, ajorungnērpalliavlutik, Nālegarlo nāleklugo innovut, Annernerublo ajunginerub mannigoininganik illumertaulerput.

32. Petrusele tamainut aigame, okper-tuñuttauk Lyddametunnut pigivok.

33. Tagvane angut naipipa Eneasemik attelik, Jahriñik sittamaujortuñik innangajok tumaksagame.

34. Petrusib okautiva: Enease, Jesusib Kristusib pijungnērtipātīt; makkitit, aumit-

titit nangminek äkikkit; tagvaēnak makkipok tava.

35. Lyddametut illunatik Saronemetullo tækkovæt, Nālekamullo sagiarlutik.

36. Joppemele illinniartekartok arngnak, attinga Tabea, Grichit (taivæt) Dorkasmik, taimna ajungitulliartoksoak, pitsiadlarlune (aklujunnut).

37. Uvlunnele taipkonane kannimagame tokkovok; ubvaramitsuk illivæt kallerēngmut.

38. Lyddale Joppemit kannitok, illinniartut tussaramik, Petrusmik tavanetomik, angutik magguk tillivakit tapsomunga, innakovlugo kunnunane tikkinermik tapkoninga.

39. Petruse tava nikkovidlune illagivak, tikkimagit kallerēngmut pitipæt; uigarnerit illunatik illuvæt, keavlutik ulliksuillo annoratsello sakkertipeit, Dorkasib sennajavingit najortigingmatsuk.

40. Petrusib tamaita annitinamigit sērkorlorlune tuksiarpok, time tava sādlogo okarpok: Tabea, makkitit! Uitavok tagva, Petruse tækkogamiuk, makkilune ingipok.

41. Agganne isektidlugit makkitipa; okpertullo uigarnerillo itterkogamigit omartok tava tækkojautipa.

42. Tamanna tussaumajaulerpok Joppeme tamaine; unnuktuttauk okpilerput Nãlekamut.

43. Uvlunnik unnuktunnik Joppeme ublivok, Simoneme kettumaksaijome.

KAPITELEMIK X.

Petrusib tautukörninganik.

Zæsariame angutekarpok, attinga Korneliuse sorsuktukset ingmigolingajut Italiamiuñik taimajut, kappitanget.

2. Angut issumagiktok opigosuktorlo Gudemik, iglomiokattinnelo, tunnijijorsoak innungnut, tuksiatsainartorlo Gudemut.

3. Tamna tækkotinekarpok uvlub nellunaikutanga arvengemit sittamaulermetta,

Gudim Engelinget ittervigingmago tækkova, imãglo okautiva: Korneliuse!

4. Tækkosarpale koaksälarmelo, okarpok: Suna Nãlegak! tapsoma okautiva: Tuksiar-nitit pikkungardlutik Gudib tussarpeit, tun-nijettillo issumagiveit.

5. Mãna angutit tillikit Joppemut, Simone kaikollugo, Petrusmik attibsãlik,

6. Simonemik attelik kettumaksaijok na-jorpa, immab kiglingane iglulik; taipsoma okautiniarpãtit piniarèksarnik.

7. Engele Korneliusemut okartok aular-met, kivgenne magguk, sorsuktuksarlo Gu-demik nãlektok, najortigivaktame illanget kaikoveit,

8. Unipkautivlugit tamakkounga tamai-nik, Joppemullo tilliveit.

9. Kaungmet ingergartillugit, iglugasek-suit kaglilermagit, Petrus kallerëngmut majoarpok tuksiaromavlune, uvlob nellunai-kutanga arvengelermet.

10. Kãlerame sumik ësijomavok; nerkik-salliormatsugle, ingminik ikpigijungnër-pok.

11. Killak angmajok tækkova, illitsiviklo

akkarvigijinne, sorlo tingerautaksoak, terekongittigut kellersorsimmajok, nunamullo ningijok;

12. Illumiktok nunab nergsutingiñik sunatuinarnik, nujuartuñiglo, pāmhortunniglo, tingmitsenniglo killaub attānetunnik.

13. Nippiblo piva: Petrusē, makkitit, tokkotsilutit nerriť.

14. Petrusible kiova: Aukagle Nālegak; nerringitsainarpunga nachonartomik makkojungnartomiglonēt.

15. Nippib aipanget okautiva: Gudib ajorungnērtitanga makkojugijeksaringilet.

16. Taimak pingasuertorpok; illitsivik ama killangmut kangattartaugivok.

17. Petrusēle siarklilermet tækkotitsut tækkojane pivlugo, ahāk, angutit Korneliusib tillijangita, Simonib iglunga apperkotigivæt, upkutsab sillatāne nangerdlutik.

18. Nipliavut apperivlutik: Simone, Petrusēmik atibsālik, tagvanemangat?

19. Tækkotitautine Petrusib issumagiler-mago, Annernerub okautiva: Ahāk, angutit pingasut apperkotigivātít;

20. Makkitit attersãrlutit illagigigit inner-tuinaglo; uvanga tilligapkit.

21. Angutit Korneliusemit pijut, Petrusib attersãrvigiveit, okarlune: Ahãk, kennertas-se tagga uvanga; suna pivlugo tamãnepise?

22. Okarput: Korneliuse kappitak, angut issumagiktok Gudemik nãlektok, Judit innungita illunatik idluarnerarpæt, Gudemut kaujititauvok Engelekt ajungitokut, igvit kaikovlutit iglominut, okautsinnik tussarkogamiuk illingnit.

23. Itterkolerpeit tagva sinniktartilaitalo; kaungmet Petrusib aularkattigiveit, Joppe-miullo kattangutigët illangit illagivæt.

24. Kaunginingmet Zæsariamut pivut. Korneliusible nerriugiveit, illame illænnari-jangitalo pullarpæt kaikolaungmagit.

25. Petruse itteriartormet, Korneliusib pachrearpa, ittigganginnut pãmaklune tuk-siarvigiva.

26. Petrusible makkitipa, okarlune: Mak-kitit, innutuinauvungatauk.

27. Okausekarvigilauramiuk; itterpok, innugaseksuit kattimmajut naipipeit.

28. Okarvigiveit: Nellungilase, idluangi-

met Judit illangita tækkorngartut illagingmagit, pullariarmagillonët; Gudible kaujiti-laukpānga, innuk taerkonnago nachonartomik makkojungnartomiglonët.

29. Taimaitomik kunnunanga tikkipunga, kaikojaugama; tagvale apperivapse, sōg tamaunga kaikovissinga?

30. Korneliuse okalerpok: tagva uvlunne sittamañe sulle mǎna nerrinanga, (uvlob) nellunaikutanga arvengemit sittamaulermetta tuksiarpunga iglumne; ahāk, sāmne angut-ïpok keblertamik annoralik,

31. Okarlune: Korneliuse, tuksiarnitit tussartauvut, tunnijettillo issumagijauvut Gudib sāngane.

32. Joppemut tagva tilliklerit, Simone, Petrusmik attibšālik, kaikovlugo; tujormiō-jok Simonib kettumaksaijub iglungane, im-mab kiglingane, tikkikune okautiniarpātīt.

33. Taimaitomik erinesulerdlunga tilliklerpunga illingnut, namaktomiktauk pivotit, tikkinavit. Mǎna Gudib kēnanget sāngane tamapta kattimmavogut, tussaromavlugit Gudim okausingit tamaita illingnut.

34. Petrusib kannine angmalerpa, okarlune: Māna kiglilingmik tukkisivunga, Gudib sunatuinait innuit nachogingimagit;

35. Innuille sunatuinait, tapsominga nālektut idluartomiglo pijut, illelliorpeit.

36. Okausek imna Gudib tillilauktanga Israelib kittorngangiñut, ullapirsauunik okautivlugit, Jesuse Kristusekut, (tamna illunarsoatik nālegarivæt),

37. Judæame tamaine (tattaminiarnartul-
liningit) kaujimmavasse, Galilæame pilermet,
baptijutib Johannesib okautigijanget king-
orngane,

38. Jesuse Nazaremiok pivlugo, kannok
Gudib saimartimago Annernermik ajungi-
nermik pitsartunermiglo; arvertarlauktok,
ajungitulliariartorlune, innulilaitalo illunaita
Satanasemut sālaulauktut, Gudib najorma-
go.

39. Tattaminiarnartitangit Judit nunang-
ane, Jerusalemelo tamaita kaujimavlugit
(okautigivavut); tamna tokkopæt, nivingard-
lugo kejungmut.

40. Tamna Gudib omartipa uvlut pingajuane, sakkertilälo.

41. Innungnut illunainuungitok, unertuijuksennulle (pijok), sivorngagut Gudib annerijaminut, uvaptingnut, nerrekattigivlugolo immerkattigilaukpavut, tokkungajunnit makkimet.

42. Innungnut okälakovätigut kigligiutigilugolo, tamna Gudib erkartuijuksautimago, innujuñiglo tokkungajuñiglo.

43. Tamna nellautaijut illunatik okautigivæt, okpertut tamaita tapsomunga, issumagijaujungnërput ajorningit, tapsoma attinganut.

44. Petruse sulle taimäk okartillugo, Annernek ajunginek, okautsinnik tussartunnut tamainut, pivok.

45. Okpertulle kippimmajut, Petruse illagællugo tikkilauktut, tattaminiarput Annernerub ajunginerub tunnergutã nellojunnuttauk kovijaungmet;

46. Tussaramikit tækkorngartut okausinginnut okälajut, Gude nakkorivlugo angijomik.

47. Petruse tava kiovok: Immermik

innerterijungnartokarka, baptitaukonnagit ukkoa, Annernermik ajunginermik pijut, uvaptitut?

48. NāleKab attinganut baptitaukoveit. Kennuvigivæt tava ubliviojomavlutik uvlun-
nik kapsinik.

KAPITELEMIK XI.

*Söngigijaunermi Petrusib nippoktitsi-
ninganik.*

Apostelille kattangutigēllo Judæametut tussaumalerput, nellojuttauk Gudim okausingit illelliolermagit.

2. Petruselo takpaunga Jerusalemut pingmet, kippimmajut (Judit okpertut) akkerartulerpæt, okarlutik:

3. Angutinnut kippimmangitunnut itterpotit, nerrekattigivlugillo.

4. Petrusible tamattominga unipkautilerpeit malliktigēktunnik, okarlune:

5. Iglugaseksoarne Joppeme-ītunga tuksiartillunga, uvamnik ikpigijungnērpunga, tækkovlunga tækkotitsûmik, illitsivingmik akkartomik tingerautaksoatun-ïtomik, sittamannik terrekolingmik, killangmit ningititak, uvamnut pivlune.

6. Kemergolerapko, nunab nergsutingit tækkovakka, nujuartullo, pāmhortullo, killaublo tingmiangit.

7. Nippele tussarpara, uvamnut okartok: Petruse, makkitit tokkotsilutit nerriit.

8. Kiovarale: Aukagle, Nālegak; sulle nachonartunnik makkojungnartunniglonēt ēsilaungilanga.

9. Nippib aipangit killangmit kioyānga: Gudib ajorungnērtitanga, igvit makkojugijeksaringilet.

10. Taimak pingasuertorpok; killangmut illunatik ama kangattartauvut.

11. Ahāk, tagvaēnak angutit pingasut iglub najortama sillatāneput, Zesariamit tilijaujut uvamnut.

12. Annernerub tava okautivãnga, inner-tuinanga illagẽkovlugit. Ukkoalo kattang-utigẽt arvengartut illagivakka, angutib tapsoma iglunganut itterpogut.

13. Unipkautivãtigut tapsoma, Engelemik tækkovlune iglomite nangertomik, imãk okautsiminik: Angutit Joppemut tillikit, Simone Petrusmik attipsãlik kaikojau kol-lugo;

14. Tapsoma okautiniarpãtit okautsinnik pillorigutiksarnik, iglomiokattittillo illuna-tik.

15. Okãlalertillungale, Annernerub ajung-nerub akkarvigiveit, sorlo uvaptingnut kig-linganit.

16. Nãlekab okausingit tava erkarpakka, imãk okangmet: Johannese baptisilauktok immermut, illipsele baptitaujomãrpose An-nernermut ajunginermut.

17. Uvaptitut tunnergutinnik Gudib tun-nitsivigingmagit, okpermetta Nãlekamut Jesuse Kristusemut; uvanga kinauvik, Gude innerterungnarpigo?

18. Tamanna tussaramitsuk nippangerput, Gudelo nertorpæt okarlutik: Nellojuttauk

tagva Gudib tunnitsivigilaukpeit issumatärnermik innogutemut!

19. Siamaktersimmajulle kappiartoarnermingnut Stephanuse pivlugo, arvertarput Foenitsienmut aglæt, Zypernmullo, Antiochiamullo; okautsiñik assianut okangilet Judiñut kissēnut.

20. Angutille illangit illagiveit, Zypernmillo, Zyrenemillo pijut, tapkoa Antiochiamut pigamik, Grichittauk okarvigiveit okautsinnik tussarnertunnik, Nālegak Jesuse pivlugo okālavlutik.

21. Nālekab tallingeta illagiveit, unnuktorsuittauk okpilerput, Nālekamut sāgiarlutik.

22. Illagēktut Jersalemetut tussaumaleramikit, Barnabase tillivæt Antiochiamut.

23. Tamna tagvunga pigame, Gudib saimanersoanga missigileramiuk, kuviasulerpok, kaiblerlugillo tamaita piveit, omamut illuitomut Nālekamut nippitsainarkovlugit.

24. Angut tamna issumagiktoksōvok, Annernermiglo ajunginermik, okpernermiglo angijomik illumiktok. Innuillo unnuktorsuit Nālekamut pititaulerput.

25. Barnabasele Tarsenmut aularpok, Sauluse keñeriartorivlugo.

26. Naipinamiuk, Antiochiamut pitipa. Jahremik nãjivuk kattiṁavlutik illagẽktuñe, innuillo unnuktorsuit ajokertorlugit; illinni-artut Antiochiame taijaukãlerput Kristusekuñik.

27. Uvlunne taipkonane nellautaijut Jerusalemit attãrput Antiochiamut;

28. Tapkoa illanget, attinga Agabuse, nikkovidlune, Annernekut nelliutijuksamik okartok: Nuneñe tamaine innungnik kãvaksoadlartokaromãrtok okarlune; tamaña nellautsilerpok attanuivik Klaudius attanniotik-lugo.

29. Illiuniartulle illunatik ingmingnut okalerput, pimingnit ajungitamingnit, tujomavlugit kattangutigẽt Judæametut.

30. Taimailiolerput, angajokajeñut tillivlugit, Barnabasemullo Saulusemullo neksartauteit.

KAPITELEMIK XII.

*Okpertuñik Herodesib kappiasuktitsi-
ninganik.*

Taipsomane illagēktut illangit attanni-
viksub Herodesib tiguvlugit kappiasuk-
tilerpeit.

2. Jakobusele, Johaṇesim angajoa tokko-
tipa saviksoarmut.

3. Judit kaujileramigit tamaña idluari-
janget; pivalliavok, Petrusetauk tigugiva.
Sērnakangitulle kakkojet uvlungit nelliuti-
vut.

4. Tigugamiuk, parngnanērsimāvingmut
pitipa, udsertortaukovlugo sorsuktukseñut
sittamanut simertautuñut; issumagivalo in-
nungnut sakkertitsomavlugo anniviub uv-
lungit nākpetta.

5. Petruse tagva parngnanērsimāvingme
udsertortauvok; illagēktulle sorēratik tuksi-
arutivæt Gudemut.

6. Herodesib sakkertitsomangmago, unuame taipsomane Petruse sinnikpok sorsuktuksæk akkorngangne, kellersorsimāvlune kellaungnjennut maggoinut, udsertortullo upkutsab sillatāne udsertorpæt parngnanërsimāvik.

7. Ahak, Nālekab Engelinga tagvunga pivok, kaumajuble kaumarsārpa parngnanërsimāvik; Petruse señeragut pattikpa tupārlugo, okautiva: Makkisārit. Kellaungujet tava pērput aggangiñit.

8. Engelib okautiva: tapsilutit ittiggagusilerlutillo; taimailivok tagva. Ama okautiva: Ulliksuit attilugo, mallinga.

9. Annivlune mallikpa, nellovlune Engelib nellāgut taimak illiormangago; tækkotito-migle tækkonasugivok.

10. Udsertortut sivorlīt aipangillo annivigivlugit, upkoaksoak kikkiengīnak tikkipæk, iglugaseksoarnut sāngmijok; tamna ingminik upkuērpok (anniviktārklugik), annigamik, iglut akkorngattigut ingergavlutik, Engelib tagva īnak kemmekpa.

11. Petruse ingminik tukkisilerame, okarpok: Māna mikselingmik tukkisivunga, Nā-

lekab Engeline tillingmago piulivānga, Herodesib aggangiñit, innuillo Judit nerriungningiñit tamainit.

12. Taimāk issumasilerame; Mariab iglunget sillatānut pivok, Johañesib, Markusemik attibsāgub arngnāta, tagvane unnuktut kattimavut, tuksiarlutik.

13. Petrusib sillatānit upkuak avilortarmago, arngnab kivgab Rodemik attiggub nālegiartorpa.

14. Petrusib errinanga tussaramiuk, kuvi-asungnermut upkuēngila, akpangerlune itterpok okariartorlune, Petrusemik upkutsab sillatānetomik.

15. Taipkoale okautivæt: Sillaidlarpotit. Tamnale sokkoserane taimainerarpa. Okarput: Tagva Engelinga.

16. Petruse ama avilortarpok; upkuērutigamitsuk tækkovæt, tattaminiarlutik.

17. Aggangminulle nullorarpeit nippangerkovlugit, unipkālerpok kannok NāleKab piulingmago parngnanērsimavingmit, okautiveillo: Tamattominga okautigissigik Jakobuselo kattangutigēktullo. Aulardlune assi-anut aivok.

18. Kaungmelle, sorsuktukset mikkingi-
tomik kappiasutigivæt, Petrusse kannok il-
lingangmangat.

19. Herodesible, kennertaukova neñingi-
matsuk, udsertortut kiglissiniarkårdlugit au-
lartitaukoveit; Judæamit tava attålerpok
Zesariamut, tagvanelerdlune.

20. Issumakarama Tyromiut Sidonemiullo
unatatlaromavlugit. Taipkoale illagēklutik
tikkipæt, Blastuse attanniviksub pīmajinga
illanārsitinamitsuk, keñuvigivæt unatartaujo-
manatik; nunakattingit nerkiksakangmetta
attanniviksub nunanganit.

21. Uvlome issumasimavingmine Herodese
annoratset attanniviutsine annorane attivlu-
git, iksivautaksoarmut ingidlune okarvigiler-
peit.

22. Innuille imāk torklulavut: Tamadsa
Gudib nippinga, innuungitub.

23. Tagvaēnak Nāleka Engelinget anau-
va, Gude nertungimago; kopperguñut (in-
novlune) nerrijaulerpok, annernengerlune-
lo.

24. Gudible okausingit aglivalliavlutiglo
siamakterput.

25. Barnabaselo Sauluselo utterpuk Jerusalemit, namaksigamik tunnergutiñik pititsivlutik, Johaṇesetauk illagivæk, Markusemik attibsālik.

KAPITELEMIK XIII.

Elimasib tautugungnērtitauninganik.

Antiochiame illagēktuñe nellautaijullo ajokertuijullo-īput; Barnabase, Simonelo, Nigermik taijak, Lutsiuselo Zyrenemiok, Manaenlo, Herodesib attanniviksub innogoksakatinga, Sauluselo.

2. Nālekamik tapkoa kivgartortillugit ēsinatik, Annernek ajunginek okarpok: Barnabaselo Sauluselo avilugik pitissigik piniarnermut, piniarkovlugik annerilaurapkik.

3. Ēsinatik tava tuksiarpuk, aggangmingnut pattiklugik, tillivakit.

4. Tapkoa Annernermut ajunginermut tillijaungmennik; Seleusiamut pivuk, tagvanget okomikpuk Zypernmut.

5. Salaminmut pigamik, Gudim okausingiñik okālavuk Judit illinniarvingiñe; Johañe-setauk illagivæk kivgarællugo.

6. Kikkertak ingergarvigilauramitsuk Paphose tikkidlugo, angakok tikkipæt nellangaidlune nellautaijok, Judiojok attinga Barjehu;

7. Tamattoma nunab attanninganētok, Sergiuse Pauluseme, angut sillatojok; tap-soma kaikovak Barnabaselo Sauluselo, Gudim okausingiñik tussaromavlune.

8. Angakuble Elimasib (attinga taimāk tukkekarpok) akkerartorpak, nunab attanninga okperkojomanago.

9. Saulusible (Paulusemiktauk taijab) Annernermik ajunginermik angijomik illumiktub, tækkoserpa okarlune:

10. Satanasib kittornganga una! sæglutunermiglo uivēriklernermiglo illumiktorsoak, idluarnernik tamainik omisuktok, sorēngilatit Nālekab apkoserngit idluartut attortauningiñik agviarlutit;

11. Tagga ahäk, Nälekab aggangita kol-langiarpätit, tautugungnërtuksauvotit, sekkenek akkunit tautungniængilet. Tagvaënak pujorsoamelilarmelo tärmiolerpok, kennerialerpok tava maungatuinak tessiortiksaminik.

12. Nunab attanninga tamattominga tækogame; okpilerpok, Nälekablo ajokertutä tattaminiariva.

13. Paulusele najortiñelo, Paphosemit umiaktoramik; Pergenmut pivut Pamfiliab nunanganëtomut. Johañesible kemmekpak, Jerusalemut angergarlune.

14. Tapkoale Pergen kemmekkivæt Anti-ochiamut pivlutik, Pisidiab nunanganetomut, tagvane illinniaringmut itterdlutik Sabbateme ingiput.

15. Perkojet nellautaijullo aglangit attuarëramikit, illinniariuib angajokangita okautsaujartorkoveit: Okokse angutit kattangutigët, okaromagupse innungnut kaibleromavlugit, okautsiniaritse.

16. Pauluse tava nikkovidlune aggangminut nullorarpeit, okarlune: Okokse angutit

Israelitit, illipselo Gudemik nãlektose, nãle-
gitse.

17. Innuit ukkoa Israelitit Gudinget ang-
ajokavut anneriveit, innuillo tapkoa ivlernar-
tilaukpeit tækkorngartuttun-imetta nuname
Egiptenmetillugit, tavangelo annitipeit tal-
lermut pitsartojoksoarmut.

18. Jahrenelo 40 ne innukajuitomedlutik
piusingiñit kammagingisertorpeit.

19. Kinguvångukattigēt arvengemit aggar-
tut nuname Kanaaneme nungutipeit, nu-
nanget avipa innerautib torartangiñut tapko-
nunga.

20. Kingorngagut Jahrene 450 ne erkar-
tuijuñik tunnitsivigiveit, nellautaijok Samuele
tikkidlugo.

21. Tamattoma kingorngagut attanniving-
mik tuksiarput, Gudib tava tunnitsivigiveit
Saulemik, Kisib erngninganik, angut Benja-
minib kinguvångiñit, Jahrene 40 ne.

22. Tamna attanniviokojungnëramiuk Da-
vide attanniviktångutipa tapkonunga, imåglo
tamna okautigiva: Davide nachvarpara, Jesib
erngninga, angut omættima issumanganik,

tapsoma perkojakka tamaita malligomärpeit.

23. Tapsoma kinguvāngiñit Gude, taimāk okalaurame, Israelib piulijiksanganik Jesusemik pitipeit.

24. Sulle ajokertuingigartillugo, Johanese okālajok baptijūmik Israelitit illunatik kakkialerkovlugit.

25. Johañesele innoserminik namaksilera-me okarpok: Kinausugivissinga? taimnaungilanga; ahāgle, kingunipkut kaijok, tapsoma ittiggagutingit singējarlugit nellopkotivunga.

26. Okokse angutit kattangutigēt, Abrahamib kinguvāngita kittorngangit, Gudemiglo nālektut illipsingne, okausek tamna piulijiksak illipsingnut tillijauvok.

27. Jerusalemetut, angajokangitalo illitaringinamitsuk (Jesuse), nellautaijullo okausingit tukksisinginamikit, (attuartauvaktut Sabbatiñe tamaine), tokkopæt, namak sivlugit taipkoa okautsingit.

28. Nauk nachvangitut tokkotsitiksangõnermik, Pilatuse tuksiarpæt tokkotserkovlugo.

29. Tamaitalo tamna pivlugo aglaksiṁajut namaksigamikit; kejungmit akkartipæt, illuvermut illivlugo.

30. Gudible omartilaukpa tokkungajuñit.

31. Uvluñelo unnuktuñe tækkojauvok Galilæamit Jerusalemut ingergarkattigilauktaminut; taipkoa unipkautigivæt innungnut.

32. Uvaguttauk angersiṁanek, sivurliptingnut pijok, okautigivavut illipsingnut,

33. Uvaptingnut, taipkoa kittorngangiñut, Gudib nellautsimartilaukpa, Jesuse omartinamiuk; taimaktauk aglaksimmavok erriñaggub aipāne: Erngnerivagit, uvlome erngniarivagit.

34. Tokkungajuñille omartinamiuk, asserornartomut kingorngane pekkojungnērdlugo, tamattominga imāk okarpok: Sorērnanga saimartitsomavapse, Davidemut okalaura-ma.

35. Taimaitomik okarivoktauk erriñaggub assiane: Ajunginerit asserorkojomat-sengilet.

36. Davide, innovlune Gudib pijomajang-

anik kivgartulaurame, tokkovok, sivorlingin-
nullo illijauvok, asserorlarmelo;

37. Gudible omartitanget asserornartok
tækkungila.

38. Taimaitomik okokse angutit kattang-
utigët, kaujilerksiuk, tapsomuna ajortuñit
issumangnerungnërtomik okautsaulerpose,
tamainillo (ajortuñit) Mosesib perkojangiñut
idluartitaujungnenginipsingnit.

39. Tapsomungale okpertok idluartitau-
vok.

40. Taimaitomik mianeritsiaritse nellau-
taijut okausingit illipsingnut nellautsiler-
koñagit (imaitut):

41. Ahak, okokse nachotojoksuit, tattami-
niarluse nungutitse; innotilluse piniarnermik
pigama, okautsaugalloarupse tamattominga
okpitsengilasse.

42. Judille anningmetta illinniarvingmit,
nellojut kennuvut, Sabbatik akkorngangne
okautsit tapkoa attuartaukovlugit ingming-
nut.

43. Illinniarvingme kattimajut aptermetta,
Judit unnuktut Judiojærtullo Gudemut ok-

pertut, Pauluselo Barnabaselo mallikpakit; tapkoale okautivlugillo kaiblerpeit, Gudib saimarsautānut nippitsainarkovlugit.

44. Sabbatib tugliane iglugaseksuit in-nungit illunakasetik kattiṁajartorput, Gudib okausingiṁik tussaromavlutik.

45. Innuille Judit tækkogamikit; ninga-rosudlalerput, Paulusim okausingit akkerar-torlugit, akkerartorlutik mittautekadlar-put.

46. Paulusele Barnabaselo sivōranatik okālavuk, imāk okarlutik: Gudib okausingit okautigekārdlugit illipsingnut pijariakalauk-pok; mǎnale ajektorapsigik, nangminipsing-niglo nachonartitsigapse innogutemik nung-usuitomik, nellojunnut tava sālerpogut.

47. Nālekab taimāk perkovâtigut: Nello-junnut kaumaniutilaukpagit, piulijiksaukov-lutit sillaksub issuanut.

48. Nellojulle tamaña tussaramitsuk, ku-viasulerput, Nālekablo okausingit nakkori-veit; okpīlerlutik, illuatik innogutemut nungusuitomut pijukset.

49. Nālekable okausingit siamakterput tamattoma erkānut tamainut.

50. Arngnello nãlektut nertornartullo Judit ningarosuktidlalerpeit, angutillo nãle-gaunerit iglugaseksoarne, Pauluselo Barna-baselo unangmijaukovlugik, pingujarpakillo erkãamingnit.

51. Tapkoale ittiggatik senerkarningit senẽjarpeit tapkonunga, Ikonienmut aularlu-tik.

52. Illinniartulle kuviásulerput illumertau-lilarmiglo Annernermik ajunginermik.

KAPITELEMIK XIV.

Lystrame tumaksajomik Paulusib innulik-lerninganik.

Ikonienme illagẽklutik Judit illinniarvinga-nut itterput, imãk okãlavlutik, Judillo Grichillo okpilermetta okausingiñut unnuk-torsuit.

2. Judille okpingitut aulatidlarpeit ning-

artilaitalo nellojut tarngningit kattanguti-gēngnut.

3. Tagvanelerpuk akkunit, sivōranatik okālavuk Nālekamik, tapsoma okautsine ok-pernartipeit saimanerminik, nellunaikutaniglo tattaminiarnartunniglo pivok tapkoa ag-gangittigut.

4. Unnuktovaksuille iglugaseksoarmiut ingmingnut akkerartōput; illangit Judinik illilertuivut, illangille Aposteliñik.

5. Perajaludlalermettale nellojullo Judillo, angajokajettiglo illagællugit, mittautekumav-lugillo milloromavlugit ujarkeñut;

6. Tussaramikik, kemāvuk iglugaseksoar-nut Lykaoniametuñut, Lystramut, Derben-mullo, nunablo tapsoma erkānut;

7. Tagvane okautsit tussarnertut okautigi-veit.

8. Lystrame angutekarpok, iksivaēnarto-mik, ittiggaklukkame erngniāngōnerminit, pissnjuitsainartomik.

9. Pauluse okālangmet tapsoma tussarpa; (Paulusible) tækkoserpa, ikpigilerame, ok-pertok pijungnērtitauniarnerminik;

10. Nipperkortōvlune okautiva: nikkovid-

lutit nangerit. Kiggertarpok tagva, arvertarlarmelo.

11. Paulusible pijanga innuit tækkogamitsuk, niplialerput okarlutik Lykaonimiut okausingit attorlugit: Gudit innuktun-ilivlutik akkarvigivätigut.

12. Barnabase atserarpæt Jupitermik, Pauluselo atserarpæt Merkuriusemik, okarnersaungmet.

13. Jupiterible ajokertuijoet iglugaseksuit avatānetub, tuktuva it niakotiksello āpeit ittertavianut, tunnergutigijomavlugit, innuit illagællugit.

14. Apostelægle, Barnabasib Paulusiblo tussaramitikit, annoratsettik alliktorpeit akpangerlutik innuit akkornganut pivlutik, nipliadlarpuk,

15. Okarlutik: Okokse angutit, sōg tai-mailiorpisse? innutuinauvoguktauk tokkojomārtuk, illipsetut, okautsiñik tussarnertuñik okālavoguk illipsingnut, sāgiarkovluse omanget Gudeungitomit, Gudemut omartomut killangmiglo nunamiglo, immakpingmiglo illueñetuñiglo tamainik pingortitsijomut;

16. Nelliutune annigortune nellojut tamaita issumamingnik innunialauktut tapso-
ma kaṁagingisertorpeit;

17. Nauk ingminik nellonartitsilaungilak,
unnuktuṁik ajungitulliarvigingmattigut, sil-
lalukojivlune killangmit, perorsijello peror-
kovlugit, nerkiksaptingnik tunnitsivigivāti-
gut, kuviasungnermiglo omættiptione.

18. Taimak okaramik, innuit innerterlugit
serlek ajulingileit, tunnergutiṁik tunnijer-
koṁagit.

19. Judittauk Antiochiamit Ikonienmillo
tagvunga pivut, innuit kaiblerpeit, Pauluse
millortaukovlugo ujarkenut, unialælo pivæt
iglugaseksoarnit; tokkonasugællugo.

20. Illinniartulle illungmatsuk, nikkovipok
iglugaseksoarnut itterdlune. Kaungmet tag-
vanget aularpok Barnabase aiparællugo Der-
benmut.

21. Iglugaseksuit tapkoa okautsiṁik tus-
sarnertuṁik okālavigiveit, unnuktullo ajoker-
tulauramikit, ama utterivuk Lystramut, Iko-
nienmullo Antiochiamullo.

22. Illinniartut tarngningit nækkorsitipeit,
okpernermiglo sorērkoṁagit kaiblerpeit,

okarlutik: Kappianartut unnuktut attorlugit Gudib nālegauninganut pijuksauvogut.

23. Illagēktuñe illunane ajokertuijuñik pitipeit, tuksiarlutiglo ēsinatik, Nālekamut okperijamingnut sapputijaukoveit.

24. Pisida apkotigællugo Pamfiliamut pivuk;

25. Okautsiñik okālagivuktauk Pergenme, Attaliamullo attārpuk.

26. Tagvanget okomikpuk Antiochiamut, tagvanget aulalauramik, Gudib saimarsautānik perkojaulaupuk okālajartormēnik, māna namaksijamingnik.

27. Tagvunga pigamik illagēktut kattersorkolerpeit, Gudib piniarnersoanganik tapkungnuna, unipkārpuk kannorlo nellojunnut okpernerub upkuanga angmartilaungmago.

28. Illinniartut najugārivlugit tagvanelerpuk akkunit.

KAPITELEMIK XV.

*Kippinek pivlugo Apostelit okarkattigēng-
ningiñik.*

Illangit Judæamit attârput, kattangutigēt
imāk ajokertorpeit: Kippijaulingikupse,
Mosesib illusinga attuarnago, pilloriktitauni-
ængilase.

2. Aulajadlatokalermet, Paulusiblo Barna-
basiblo mikkijuungitomik akkerartormatti-
kik; imāk okarput: Pauluselo Barnabaselo,
assingillo illangit takpaunga Jerusalemut
aikovlugit Aposteliñut angajokajennullo,
tamaña appersût pivlugo.

3. Illagēktuñut aiparijauvlutik apkome,
Foenitsienlo Samarialo apkotigivakit, tagvane
unipkârput nellojuñik sāgiartuñik, kattangu-
tigēt tamaita angijomik kувiasutigiveit.

4. Jerusalemut pingmetta, illagēktut,
Apostelillo angajokajello tækkongiorpeit,

unipkärput kannok angijomik Gude pivok tapkonuna.

5. Farisæerit illangit okpilertut nikko-vidlutik, imāk okarput: (Innuit taipkoa) kippijaujariakarpus, okautsaujariakarlarmiglo, Mosesib perkojangit attuarkovlugit.

6. Apostelit angajokajello kattivut ukkoa okautsit nautsertorlugit.

7. Akkunit akkerartormetta, Petruse nikko-vidlune, okautiveit: Okokse angutit kattangutigēt, kaujimavose, nutaujungnailertomik Gude akkunaptingne issumasimāgame, nellojut tussarkovlugit kannimnit okautsiñik tussarnertuñik, okperkovlugit.

8. Gudib, omættiñik kaujimajotuab, nellunaililaukpeit, Annernermik ajunginermik tunnitsivigigamigit, uvaptitut.

9. Adsigēngitomik uvaptingnullo taipkonungalo pititsingilak, omættingit sujungaitinamigit okpernermut.

10. Tagga māna sōg Gude ōktoromavis-
siuk, illinniartut ajornartoksoarmik illitsivigijomavlugit, sivorliptalo uvagullo tamāna
ajugaridlalaukpavut?

11. Okperpogulle pilloriktitauijomärtogut Nālekab Jesusib Kristusib saimarsautānut, taipkotitunak.

12. Innugiartorsuit illunatik tava nippangerput, Barnabaselo Pauluselo nālegiarklugik, unipkārtuk, kannok nellunaikutaksoarnik tattaminiarnartuñiglo Gude pilaukpok tapkugnuna nellojunnut.

13. Okarērmetta tapkoa, Jakobuse kiolerpok, okarlune: Okokse angutit kattanguti-gēt, nāleksinga.

14. Simon unipkālaukpok, kannok nellojut Gudib issumagingmagit nellipsartainarlugit, tapkonanget innungnik illelliorlune attermi-nut.

15. Tamattominga nellautaijut okausingit nellautsivut, imāk aglaksimāngmet.

16. Tamattoma kingornane utteromagi-vunga, Davidib tuppunga ochoṁajok nappariartordlugo sennajomavara, asserorningillo idluarsaromārpakka, ajorungnērdlugit.

17. Innuit amiakut Nālekamik apperkote-karkovlugit, nellojullo illunatik pivlugit attera taijauṁajok; tainnāk okarpok Nālegak, tamakkoninga tamainik piniartok.

18. Piniarnine tamaita Gudib kaujimaveit sillaksub pigiarninganit.

19. Taimaitomik issumavunga, nellojut Gudemut sāgiartut, kappiasuktiteksaringilavut;

20. Imāgle aglakvigilugit: Gudiungituñik tettiksakartut sallumainingiñik perkonnagit, illokeudlarkoñagillo, ipimajomiglo, aungmiglo (nerrekoñagit).

21. Itsaksoanit Mosesib okausinganik okautsijut, iglugaseksoarne tamaine, Sabbatiñelo tamaine attuarpeit illinniarvingne.

22. Apostelillo angajokajello, illagēktullo illunatik idluarilerpæt, angutik illamingnit keñerlugik tillilāniglo Antiochiamut, Pauluselo Barnabaselo illagællugik, ukkoa, Judase, Barsabasemik attibšalik, Silaselo, tapkoa angutik ajokertuijuk kattangutigēne.

23. Aglangnik (agleklutik) neksartipeit, imailijuñik: Uvagut Apostelit, angajokajello, kattangutigello, salutipavut kattangutigēt nellojuñit pijut, Antiochiamē, Syriamelō Zilitsiamelo.

24. Tussarapta, uvaptingnit pijut illangita, okautsimingnut asserortipāse, tarngniselo

nekkimarnitillugit, okarlutik: Kippijaujuk-saujose, perkojello attuarlugit, nauk uvap-tingnut taimāk perkojaungilet.

25. Taimaitomik kattiṁavluta, issumakat-tigēkpogut, angutingnik annerosukluta, illip-singnut tillivlugik, nægliktavut Barnabase Pauluselo illagællugik;

26. Angutik tapkoa innositik ivleringilæk Nālegapta Jesusib Kristusib attinga pivlu-go.

27. Taimāk Judaselo Silaselo tillivavut, tapkoa okautsiṁnttauk tamattominga okalār-puk.

28. Annernerub ajunginerub uvagullo ta-maṇa idluarigaptigo, assianik malligeksanik illipsingnut illijinata, makkoninga pijaria-kartuṇik kissēnik,

29. Tunnergutiṇik Gudiungituṇut, aung-miglo, ipiṁajomiglo piniængilase, illokeudla-raselo; tamakkoninga pingikupse, idluarto-mik pivose. Innotsiarpagitse!

30. Tapkoa tillijauṁagamik, Antiochia-mut pivut, innugiartorsuit kattitipeit, ag-langnik tamakkoninga tunnitsivigivlugit.

31. Tamakkoa attuaramikit, mañigortau-
nek kuviasutigilerpæt.

32. Judaselo Silaselo nellautaijövuktauk,
kattangutigët kaiblerpeit okautsiñut unnuk-
tunnut nækkorsitilaitalo.

33. Tagvane mullukaselaungmetta, okper-
tukattigēnut ullapirsaumut angergarkojauler-
put Aposteliñut.

34. Silasele tagvanetsomalerpok.

35. Paulusele Barnabaselo Antiochiame-
lertuk, assingillo unnuktut illagællugit, ajo-
kertuivlutik okālavut Nālekab okausingiñik.

36. Uvlut illangit nāngmetta Pauluse
Barnabasemut okarpok: uttilauluk, kattang-
utivut tækkojartorlugit iglugaseksoarne
tamaine, Nālekab okausingiñik okālavigi-
lauktaptingne, kañok illingangmangata.

37. Barnabasele okarpok, illakumavlugo
Johañese Markusemik attipsālik.

38. Paulusible idlnariva, taimaitok illaku-
manago, tapkoninga kemmailauktok Pamfi-
liame, ingergakattiginagiglo piniarviksa-
mut.

39. Angijomik ingmingnut akkerartora-

mik, avipuk, Markuse Barnabasib aiparilerpa, Zypernmüt okomiklutik.

40. Silasele Paulusib aiparëllugo aularpuk, Gudib saimarsautānik perkojauvlutik kattangutigēnut.

41. Ingergalerpok Syrialo Zilitsialo, apkotigællugik, okpertukattigēt nækkorsiti-peit.

KAPITELEMIK XVI.

Timoteusemik Paulusib kippisininganik.

Derbenmüt Lystramullo pivok, tagvane illinniartok-ïpok attinga Timoteus, arngnā Jude okpertok, angutāle Grichiō-jok.

2. Kattangutigēt Lystramiut Ikoniاميullo tamna pilloriktokotigivæt.

3. Tamna Paulusib aiparijomagamiuk kippivlugo piva, Judit tagvanētut pivlugit,

angutã illunatik kaujimangmatsuk Grichiõ-jok.

4. Iglugaseksoatigut ingergagamik, Apostelillo angajokajello Jerusalemiut perkojang-iinik tunnitsivigivlugit mallekoveit.

5. Illagẽktut tagva okpernermut nækkor-sititauvut, uvlut tamaita unnuksivalliavlutik.

6. Frygialo nunalo Galatsia apkotigigamikit, Annernermut ajunginermut innerti-tauvuk okautsiinik okålakoñagit Āsiame.

7. Mysiamut pigamik, Bityniakut ingergarnasuarpuk; Annerneruble ama innerterpak.

8. Mysiale kangeramiko, Troadamut at-tärpuk.

9. Unuame tamattomane tækkoterkõrtomik Paulusemut sakertokarpok, angut Macedoniamit tagvane nangertub, tuksiarvigiva okarlune: Takkanunga Macedoniamut pīt, piu-littigut.

10. Tækkoterkõrtomik tapsominga tæk-kungmet, Macedoniamut tagva errinesulerd-lunnuk ainasuarpoguk, nellonangitomik

issumagamnuk, Nālekab tavungakovātiguk, okautsiñik tussarnertuñik okālavigilugit.

11. Troadamit tava aularpoguk; Samotrasia torārlugo tikkipavuk, kaungmet Neapolinmut (pivoguk).

12. Tagvanget Filippenmut, tamadsa iglugaseksuit angnerpāngojut nutālo Macedoniamie. (Romiuñik innuggit) tagvane iglugaseksoarne uvlut illanginnik ublivoguk.

13. Sabbate nelliutingmet iglugaseksuit avatānut pivoguk kōngmut, tuksiarviovaktomut; ingidluñuk, arngnet tagvane kattiñmajut okālavigilerpavuk.

14. Arngnak Gudemik opigosuktok, attinga Lydia, niuvertok aupalukteñik (annoratsenik) Tyatiramiut iglugaseksoangiñit, (pijok), nālektok; tapsoma omættā Nālekab angmarpa nāletsiarlune Paulusib okausingiñik.

15. Baptitauleramele tamna iglomiokatitiñelo kaiblerpātiguk, okarlune: Okperasugiguptinga Nāleka mut, iglumnut itterniariitik, tagvanetsainarlutik, (imāk) iñaksorpati-guk.

16. Tuksiarvingmut aitilluñuk arngnab

kivgab pākpātiguk, annernelik pijomārtukseņik okartok, nālekane pitilugit amisuņik (perkuttiņik) okangmet sivorngagut pijomārtuņik.

17. Pauluselo uvagullo tapsoma illunānut mallikpātigut, kaggudlarlune okarpok: Innuit ukkoa Gudib kotsingnersab kivgariveit, okautivātigut pilloringnartub apkutānik;

18. Taimailiortok tamna uvluņik unnuktuņik. Paulusible tamaņa ningautigiva, keviardlune annernek okautiva: Jesusib Kristusim attingane, annekovagit omanget. Tagvaēnak annivok.

19. Nālegangille tukkisileramik nerriungnitik akkilertaunermik annigormet, Pauluselo Silaselo tiguvaķit, uniarlugiglo niuvervingmut augajokamik sāngiņut;

20. Kappitainut pitipakit, okarlutik: Innuk ukkoa Judik, iglugaseksoapta (innungit) asserorpeit;

21. Ajokertuivuk illutsiņik imaituņik, nālegata illelliorèksaringitaptingnik, Roiniõgapta.

22. Innuit illunatik aulataulerput omigivlugik; kappitait annoraijartaukovakit, isakajaukolāniglo.

23. Angijomik isakadlauramikik, parngnanērsimāvingmut egipakit, parngnanērsimāviublo angajokanganut udsertortautsiarkovakit.

24. Taimak perkojaugame, tapsoma issuklerpāmut parngnanērsimāvingmut pitipakit, niungillo parngnanērsordlugit kējuksoarmut.

25. Unuak keterarmet Pauluselo Silaselo tuksiarlutik, Gude nakkoridlarpæk tuksiutsimut; parngnanērsimāvingmekattingita tus-sarpakit.

26. Tagvaēnak nuna sajukpiludlarpok, parngnanērsimāviub tunganinga aulataudlarlune; upkuangillo illunatik tagvaēnak angmartauvut, kellerutillo illunatik kellerudsārput.

27. Parngnanērsimāviub angajokanga sinningminit tuppakame, parngnanērsimāviub upkuangit angmarsimājut tækkogamigit, saviksoane amuva, ingminik kappidlaromavlune, kellersorsimājut kemānasugællugit.

28. Paulusele nipliavlune, okarpok: Illingnik pitlarniarnak, tamapta tagvanepogut.

29. Neñergotsamik kaikojivlune ittersärpok, sajulerdlune Paulusib Sillasiblo ittigangiñut pāmākpok.

30. Annitilugik tava okautivak: Nālegākka, sumik piniartuksauvik pilloriktitaikovlunga?

31. Kiovæk: Nālekamut Jesuse Kristusemut okperit, pilloriktitauijomārpotit iglomio-kattitillo.

32. Nālekablo okausingiñik okautivæk, iglomiokattingillo tamaita.

33. Tagvaēnak unuab nellunaikutangane ingminut itterkovak, killingillo ubvarpeit; baptitaulilarmelo tagvaēnak, illannelo illunatik.

34. Iglominut ama pitipak, nerritilugiglo, kuvasuklune iglomiokattiñe illagivlugit, Gudemut okpilerame.

35. Kaungmet, kappitait iglugaseksuit kivgangit tilliveit, okarlutik: Kellerudsärtaulik innuk tapkoa (aularlik).

36. Ukkoa okantsit parngnanērsimāviub angajokanget okautigiveit Paulusemut, (imāk): Kappitait tilliklerput tamaunga,

kellerndsårtaukovlutik. Māna tagga nūniarlutik, ullapirsaumullo aularitik.

37. Paulusible okautiveit: Isakakadlalaupātīguk iñuit tækkoane, nauk kiglissiñi-arannglo, Romiojoguk, parngnanērsimavingmullo egiluñuk, mñanale sagvarane aularkovatīguk? naukagle, nangminek annititsartorlittīguk.

38. Okautsit tapkoa iglugaseksuit kīvgangita okantīgiveit kappitainut, tussaramik Romiojungnik erksilerput;

39. Kaivut mañigōtomik okautivlugik, annitipakit, tuksialāniglo, iglugaseksoarnik keñmaerkovlugik.

40. Parngnanērsimavingmit tava annivuk, Lydiab iglunganut pullariartorlutik; kattangutigēt tækkogamikit, mañigortilaitalo aularpuk.

KAPITELEMIK XVII.

Tessalonikame Paulusib okālaninganik.

Amfipolis apkotigigamiko Apolinialo, Tessalonikamut pivuk, tagvane Judit illinniarvinget-īpok.

2. Paulusib ittervigiveit illutsimitut, okālavigivlugit Sabbatiñe pingasuñe aglait attuarlugit.

3. Ajokertorpeit, unertuivlune, Kristusemik āniatitaujariakalauktomik tokkungajuñillo makkiteriakalarme, (okarlune): Jesuse tamna okautigijara Kristuseōvok.

4. Illangit tapkonanget okpilerput, Pauluselo Sillaselo illagilerdlugik, Grichittauk Gudemik nālektut innugiartorsuit, arngnettauks nālegaunerset ikkingitut.

5. Judille okpingitut ningarosulerput, angutit illangit iliuluktorsuit kassētut ingmingnut kattitipeit, illeratsād larkovlugit, aulatidlalaitalo iglugaseksoarmiut, Jasonib

iglungit sillatānut pivut, inaungnut annitinasuarlugik (Paulusekuk).

6. Neñinginamikigle, Jason okpertullo illangit aularupeit iglugaseksuit angajokangiñut, nipliadlarlutik: Innuk ipkoa sillaksub innungiñik tamainik asserorterijuk tamaungatauk pigivuk.

7. Taipkoa Jasonib ingminut ittertihak; attanniviksub perkojangit ukkoa illunatik nālengileit, okarlutik: Assiagõk attanniviõvok, Jesusegõk.

8. Innuit tava sivõratidlalerpeit, angajokajello iglugaseksoarne, tamattominga tus-sartut;

9. Jasonib illangitalo, akkiorningit tus-saramikit; aularkoveit.

10. Unuamele Pauluse Silaselo errinīsõdlugik kattangutigēt aulartipakit Berocamut, tagvunga pigamik, Judit illinniarvingiñut itterpuk.

11. Tapkoa ajunginerõjut Tessalonicher-miunīt; okautsit illelliorpeit pallangadlarnernut, uvlullo tamaita aglait attuarpeit, kennerlutik taimaimangatta (Paulusim okausingititut).

12. Tapkonanget unnuktut tagva okpilerput, ikkituungituttauk Grichit nãlegaunerset angutillo arngnello.

13. Judille Tessalonichermiut tussaumalera-
mik, Gudim okausingit okãlatigijaujut Paulusemut Beroeame, tagvungatauk pigivut, innuit aulatidlalerlugit.

14. Tuavilutik tava Pauluse kattangutigêt aulartipæt, immab kiglikasenganut aularkovlugo; Silasele Timoteuselo tagvanelerpuk.

15. Paulusible aiparijangita äpæt Atene-
mut; imãk okarkongmagit Silasemut Timoteusemullo, tuavilutik tikkerkovlugik tapso-
munga, tagvanget aularput.

16. Ateneme Paulusib uttakkileramigik, illuludlalerpok annernermine, iglugaseksoarmiut tautukkamigit Gudiungitomik angijomik nãlektut.

17. Taimaitomik illinniarningme Judit okãlavigiveit, Gudemiglo nãlektut, ninvervingmelo uvlut tamaita tagvunga pijut.

18. Epikurerille illangit Stoikerillo Filosofit (sillaksub pingiñik illissiñajut) akkerartorpæt, illangit okarput: Kañekadlartok una kannok okausekarka? illangittauk (okarivut):

Sorlo Gudiñik tækkorngarteñik okälajomajok; okautsiñik tussarnertuñik Jesusemik makkitertokaromärtomiglo okautilaungmagit.

19. Tiguvæt, kiglissiñiarvingmullo äpæt, okarlutik: Tukkisijungnarpita ajokertüseмик nutämik ajokertovit tukkinganik?

20. Siutiptingnut tækkorngarteñik pigavit, tagva tussaromavogut tamattominga kannok tukkekarmangat.

21. Atenemiut illunatik, tækkorngartello tagvane nunakartut, assianik piñasuangilet, nutämik okaromatuinalarmiglo tussaromatui-narput.

22. Paulusele kiglissiñiarviub kerkane nangerame, okarpok: Okokse angutit Atene-miut, missigilerpapse angijomik okpertose Gudiungitomigle.

23. Tamäne arvertarama, tuksiarvisse nautsertulaukpakka, Altare naipipara, agla-lik imäk: Gudemut nellonartomut. Tuksi-arvigijase tamna kaujimanago, mäna tagga tapsominga okautivapse.

24. Gude sillaksoarmik pingortitsijok,

pingiñiglo tamainik, Nālegaugame killangmullo nunamullo, kattiṁaviksoarne aggangnut sennamajuñe innekangilak.

25. Aggangiñuttauk innuit kivgartortaujungnañgilak, sumik ajorsartotut; nangminnek tamaita innotimagit annernekalertilaitalo, piksangiñiglo tamainik tunnitsivigingmagit.

26. Innugaseksuit kinguvāngukattigēt tamaita pingortilaukpeit aungmit attautsemit, nūnarsoak illunāt innukalerlugo, sivorngagullo sivitutitserijangit issumasimātigiveit, kannorlo kaningitigijomut nunakariangit.

27. Nālekamik kenneriakovlugit, missigilermangarmitsuk nachvarmangarmitsuglo, nauk ungasingilātigut tamapta.

28. Tapsōmane innogapta aulavlutalo-īpogut; taimaktauk okarivut Poetit illangit illipsingnetut: Tapsoma illagivātigut.

29. Tagva illakarapta Gudemik; issumajuksaungilagut, Gudioniub adsigiva innungoak Goldemik, Silberemiglonēt, Ujarkamiglonēt, innub issumaminut señajanga.

30. Nelliutune nellojotillugit Gudib ka-

mangingisertulaukpeit; mǎnale innuit illunatik nunalingne tamaine kakkialerko-
veit.

31. Uvlomik taisimāgame, taipsomane sillaksoarmiut erkartoromagamigit idluartomik (pijomārpeit), angumut tapsomunga perkojimāgame, illunaitalo okpertitsomavlugit, tokkungajuñit omartinamiuk.

32. Tokkungajuñit omaromārtuñik tussaramik, illangit mittautekarput, illangille okarput: Tamattominga ama tussaromavaptigit.

33. Paulusib tava kemekpeit.

34. Angutille illangita najngärivæt, okpilrlutik; taipkoa illanget Dionisius, kiglis-siñiarpaktut illanget, arngnarlo, attinga Damaris, assingittauk.

KAPITELEMIK XVIII.

Gallionemut Paulusib ātauninganik.

Kingorngagut Pauluse Atenemit aularpok, Korintemut pivlune.

2. Jude tagvane naipipa, attinga Akvila, Pontuseme innulertok, Italiamit tikkekañertok, nullianga Priscilla aiparællugo, (Judit tamaita attañiviksub Klaudiusib aularkolaungmagit Romemit).

3. Tapkungnunga itterpok; adsigēgnik sennagamik, najorpak sennavlune; itsellior-teōgamik.

4. Sabbatiñe tamaine illinniarvingme ajokertuivok, Judillo Grichillo kaiblerpeit ikpingnartomik.

5. Silasele Timoteuselo Macedoniamit pingmeñik, Pauluse Annernermut kajungersartauvok Judiñut Jesuse Kristuseōjomik unertōtekarkovlugo.

6. Akkerartormettale mittautekarlarmiglo,

annoratseñe aulatidlarlugit, okautiveit: Ause niakopsingnut pile, uvanga pingilanga; tamattomanget nellojunnut aularniarpunga.

7. Kemmekpeit tava, angumut Justemik attiggub iglunganut itterlune, Gudemik opigosuktok, tapsoma iglunga illinniarviub tungãnetok.

8. Krispusele, illinniarviub angajokanga, iglomiokattingillo illunatik okperput Nãlekamut; Korintemiullo unnuktut nãlektut, okpilerivut, baptitaulerlutiglo.

9. Pauluse tava Nãlekab okautiva tækko-titomut unuame: Sivõranak, okarille, nippangernak;

10. Illagigapkit, innungmut attautsemulonët idluitulliarvioniatsengilatit; iglugaseksoarne tamakkonane unnuktuñik innukutte-karama.

11. Tagvane tava ñlerpok Jahremik attautsemik takkiñiglo pingasuojortuñik, ajokertuivigivlugit Gudim okausingiñik.

12. Gallionle attanniongmet Achajame; Judit illagẽklutik innungnãdlalerput Paulusemik, aularupæello kiglissiñiarviub iksivautanget sãnganut, okarlutik:

13. Innuit oma kaibladlarpeit, Gudemik kivgartorkovlugit, perkojet nālengnagit.

14. Pauluse okaromalermet, Gallion okarpok Judiñut: Okokse Judit angutit! idluto-mik pikpet ajortulliarnermiglonēt, tussara-jarpapse namaktomik;

15. Appertsutigupsele ajokertūsemik, at-terniglonēt, perkojipsingniglonēt, nangminek pigissigik, taimaitomik erkartuijomangilanga.

16. Aularkolerpeit tava kiglissiñiarviub iksivautanganit.

17. Sosthenes illinniarviub angajokanga, Grichit illunatik tiguvæt, anaudlarlālo kiglissiñiarviub iksivautanget sāngane; Gallionib kaṁagingileit.

18. Paulusele akkunit sulle tagvanetok, kingorngagut kattangutigēt sorērutiksamik piveit, Syrienmut okomiklune, Priscillalo Akvilalo illagællugik; nutsēne (Paulusib) kipsarpeit Kenchreme, okautsiñe malliglugit taimāk okarsiṁagame.

19. Efesusemut pigame, tagvane kemmekpak; nangminerle illinniarvingmut itterlune, Judit okālavigiveit.

20. Innamatsuk najortaujomavlutik akkunērnersamik, kippilukporle;

21. Sorērutiksamik okautigāmigit, okarpok: Anniviksiorvingme tikkiniartome Jerusalemlunga pijariakarpunga; tikkitsomāri-vapse, Gudib perkokpanga. Efesusemit tava aularpok.

22. Zæsarienmut pivlune, (Jerusalemullo) timuarpok, illagēktut salutinamigit; Antiochiamut attārpok.

23. Tagvanelaukārdlune uvlunīk kapsinik, aularpok, Galatsiab nunanga arvertarvigivlugo Frygialo kingorlerēktidlugik, okpertut illunaita nekkorsitipeit.

24. Judele attinga Apollus, Aleksandriame innulertok, angut okalloriktok, aglangniglo illissimātsiartok, Efesusemut tikkipok.

25. Tamna Nālekab ajokertutānik illanganik ajokertortaulauktok, Annernermut illungertortomut okālavok, ajokertuiloriklune Nālekamik, nauk Johañesib baptijutānik kaujīmajotōjok.

26. Tamna sivōranane okālalerpok illinni-arvingme. Akvivable Priscillablo tussarami-

ko, ingmingnut pitipæk, Gudib ajokertutänik ajokertorluarlugo.

27. Achajamulle aijomangmet, kattangutigēt aglaklutik, okpertut perkoveit, illellior-kovlugo; tagvungalo pigame, okpilertut, (Gudib) saimarsautānut angijomik ikkajor-peit.

28. Judit pitsartunermut okausikserotigamigit, illunatik tussätillugit aglangnik kaujitipeit, Jesuse Kristuseōjomik.

KAPITELEMIK XIX.

Paulusekut Annernek ajunginek tunnijau-ninganik.

Apollos Korintemetillugo, Paulusib nunet kingingnerit arvertarvigiveit, Efesusemut pivlune, naipitsivok illinniartut illangiñik;

2. Tapkoa apperiveit: Okpilerapse An-

nernek ajunginek pivissiuk? kiovæt: Tus-salaungilagullonēt Annernermik ajunginer-mik.

3. Apperiveit ama: Kañok tagva bapti-tauvise? kiovæt: Johañesib baptijutānut.

4. Pauluse okarpok: Johañese baptisi-laukpok baptijūmik kakkialernartomik, in-nuit okaudlugit, okperkovlugit kingorliksa-minut, tagva Jesuse Kristusemut.

5. Tamaña tussaramitsuk, baptitaulerput Nālekab Jesusim attinganut.

6. Paulusib pattingmagit aggangminut, Annernerub ajunginerub tikkivigiveit; okā-lalerput tagva tækkorngartet okausinginnut, pijomārtukseñiglo okarivut.

7. Angutit tapkoa arkangemit aggartut.

8. Illinniarvingmut itterpapakok, sivōrana-ne okālavok takkiñik pingasuñik, ikpingnar-tomik ajokertorpeit Gudib nālegauninga-nik.

9. Illangille tappatudlarmetta, okpingi-mettalo, ajokertūsemik tamattominga okau-siluklutik innugiartorsoarnut, kemmekpeit, illiñiartullo avitipeit tapkonanget, uvlullo

tamaita okälavok angutib Tyrañusemik attig-
gub illiñiarvingane.

10. Taimailiornermik pivok Jahrenik
maggungnik, Äsiametut tagva illunatik,
Nälekab Jesusim okausingiñik tussarput,
Judillo Grichillo.

11. Gudelo tattaminiarnartullidlarpok
mikkingituñik Paulusib aggangittigut.

12. Imäk aglæt, kidsijarnermut allarutik-
set kakkigutillo timinganut aktortitet kanni-
majuñut illivlugit, pijungnërput, annernerillo
ajortut annivut tapkonanget.

13. Illangille Judit arvertarajuktut anga-
kut, (erksinatik) Nälekab Jesusim attinga
taivæt annerniäluktalingnut, okarlutik: Je-
suse, Paulusib okautigijanga pivlugo, anne-
kovapse.

14. Judittauk, ajokertuinerõjub Skevab
erngningit arvengemit aggartut taimailior-
tut.

15. Annernek ajortok kiovlune okarpok:
Jesuse illitarivara, Paulusetauk nellungini-
vara; illipsele kinauvise?

16. Innub tava annernermik ajortomik

illumiggub, oppadlarlugit sãlagiveit, imãk angijomik pitlarmagit, annoraijartaularmiglo killiadlaraularmiglo, kemmãvut iglomit agvanget.

17. Tamaña tussaumajaulerpok illunai iut Efesusemetuñut, Judillo Grichillo; illunatik erksinermik illumertitaulerput, Nãlekablo Jesusim attinga angijomik nakkorijaulerpok.

18. Okpilertuttauk unnuktut unipkariatorput, ingmingnik kigligiksarlutik piniernermingnik.

19. Unnuktuttauk angakolauktut, aglait kattilugit tikkiupeit, ikkoalaklugit (innuit) illunatik tækkoane; akkingit kittinamikit, nachvarput akkillerèksaulauktut 50,000 nik kēnaujeñik (Silberenik).

20. Taimãk angitigijomik Nãlekam okausinga aglivalliavok, okpernarsivlunelo.

21. Tamaña namaksingmet, Pauluse annernermine issumasivok, ingergajomavlune Macedoniakut Achajakullo, Jerusalemut aijomavlune, okarpok: Tavanelaukãrdlunga, Rometauk tækkojariakarivara.

22. Macedoniamut tava ajokertuikattingne

magguk Timoteuselo Erastuselo tillivak; nangminerle Æsiame nokkarpok; uvluñik kapsinik.

23. Taipsomane perajaludlartokalerpok mikkingitomik ajokertũsek tamaña pivlugo.

24. Silberemik sennajok, attinga Demetriuse, Dianamut tuksiarvingoaliorpok silberemik, sennakattiñelo ikkingituñik perkutsariksitidlarpeit.

25. Taipkoa assingillo taimaitomik sennajut kattensorlugit, okautiveit: Okokse angutit, nellungilase, niorvgotivut tamaña aklaitivavut.

26. Tækkovluselo tussarpose, Efesusemetuinangilak Æsiamelo illunakasengane, Paulusib oma innuit unnuktut asserorpeit okautsiminut, okarlune: Gudiungilegõk aggangnut sennañajut.

27. Niorvgotivut tamaña sorẽrtuinarajangilak nachogijaulune; Gudiojorsublo Dianab kattimmaviksoanga piungitsugijaunajarivok, nãlegauviksõningatauk nungutaunajarivok, Æsiamiut illunatik sillaksoarmiullo tuksiarvi-gijanget.

28. Tamaña tussaramitsuk, ningarosuvak-

soadlalerput, nipliadlarlutik okarput: Efesusemiut Diananget angijoksövk.

29. Iglugaseksoarmiut illunatik perajaludlalerput; tækkonärvingmullo aulajadlakattigēklutik tessigoarlugik Gajuselo Aristarchuselo Macedoniamiok, Paulusim ingergarkattik.

30. Paulusib innuit aivigijomangmagit, illinniartut innerterpæt.

31. Kappitaittauk illangit Asiamit, Paulusib illanāngit, tilliklerlutik tapsomunga, innerterivæt tækkonärvingmut aikōnago.

32. Nipliajoksuit illangit imāk, assingit imāk adsigēngitomik, illunamasiatik uimajadlarput, unnunerset nellövlutik suna pivlugo tagvunga kattersormangata;

33. Aleksander tava tessigoarpæt innugiartorsoarnit, Judit ajektudlarmatsuk; Aleksandrible aggangminut nullurarpeit, innuit sāngiñe akkioromavlune.

34. Judiōjok tussaramitsuk, attautsekut niplivaksoadlarput illunatik Stundenik magungnik: Efesusemiut Diananget angijoksövk.

35. Nālegarsuble innuit nippangertinami-

git, okarpok: Okokse angutit Efesusemiut, innub kia tamaña kaujimangikauk? Efesusemiut, iglugaseksoangita Gudiojoksoak Diana nälengmatsuk, killangmillo kattektub adsinga tagvanemet?

36. Tamaña akkerartortaujungnengimet, nippangituinartuksauvose, uimajaraselo.

37. Innuut ukkoa tamaunga pitilankpasse, kattiṁavingnit tiglingitut, Gudipsingniglonēt mittautekangitut.

38. Demetriuse sennakattिंगillo okausiksakarunik, kina pivlugolonēt, kiglissiñiartukset pijariakarput, erkartuijokarivok ingmingnut, taipkoa okalaulit (taimaitomik).

39. Assianigle apperkuttekarupse, kattiṁatillugit (kiglissiñiartukset) okautigissiuk.

40. Nangiarutigigaptigo, okautaujariak perajaludlarnermik uvlome pijomik, sumik patsitiksakarata perajaludlaurapta. Taimak okarame aularkoveit kattimmajut.

KAPITELEMIK XX.

Komunione karningiñik.

Peraja ludlarungnërmetta, illinniartut Paulusib kaikolerpeit, sorërutiksamik okautivlugit, tagvanget tava aularpok, Macedoni-amut aijomaviune.

2. Nunet taipkoa arvertarvigigamigit, kaiblerkålauramigillo okautsiñut unnuktunnut, Griebit nunangiñut pivok, tagvanelerdlune takkiñik pingasuñik,

3. Judille udsertormatsuk, Syriamut okomigomagame, issumatålerpok, utteromavlune Macedoniakut.

4. Åsiamulle aiparivæt, Sopater Beroemit; Tessalonikamille, Aristarchuse Secunduselo; Gajuselo Derbenmit Timoteuselo; Tychikusele Trofimuselo Åsiamit.

5. Tapkoa sivorlerivavut, uttakkivluta Troadame.

6. Filippenmille okomikpogut, kakkojet

sêrnakangitut uvlungita kingorngattigit, uvlut tellimæt nãtiñagit, tikkipavut Troadame, tagvanelerpogut uvlunïk arvengemit aggartunïk.

7. Uvlome wochib sivorlerpångane illinniartut kattiñatillugit kakkojak avgorlugo, Paulusib okälavigiveit, akkagotsomagame; sorêrane okälavok unuab keterarninga tikkidlugo.

8. Iglome kallerëngme neñergoakarpok unnuktuñik, kattimmaviane.

9. Innuosuktok, attinga Eutichuse, igalatsab sângane iksivajok, akpaiblune sinnilertok, Pauluse akkunit okälatillugo, sinningnermut ochogame ijukarpok iglomit kallerëngmit pingajuanit, tokkungajok kiviktauvok.

10. Paulusele attersärlune, kollängerpa erkilälo okarpok: Aulajadlarase, tarnninga illuanemet.

11. Ama majoarlune kakkojak avgorpa, nerrilarmelo, okarvigiveit ama akkunit kaulerlugo; aularpok tava.

12. Innuosuktok omartok majüpæt, mikkingitomik mannigolderdlutik.

13. Uvagulle umiaksoakut sivorliovogut, Assonmut aularluta, tagvanget Pauluse ikki-makattikumavlugu; taimäk perkojīmangmet, nunakut pissugomagame nangminek.

14. Assonme tikkinamittigut ikkivigivāti-gut, Mitylenemut tava pivogut.

15. Tagvanget okomikpogut, kaungmet Chionib akianut pivogut; kaungmingmet Samonmut tikkipogut, Trogylliumelerpogut; kaungmingmet Miletusemut pivogut.

16. Efesus kangeromavlugu Pauluse issu-masiṁagame, Āsiame akkunit-ītsomanane; tuavimut Pentekostib uvlungit nelliutikpetta Jerusalemētsomagame, ajornangipet.

17. Miletusemit tilliklerpok Efesusemut, kaikovlugit illagēktut angajokangit.

18. Tikkimatsugle okautiveit: Kaujima-vapsinga, kannok illiortunga nelliutome illunane najulaurapse, uvlomit tainanget Āsiamut tikkitainarama;

19. Nālegak kivgartulauktara angijomik nellopkotijunga, kugviolarmalo unnuktuñik, kappiasuktitaularmalo Judiñut, unangmik-lertuñut uvamnīk;

20. Kannorlo angigutilaunginapse, sumik

idluartomik, nungulugit okaudluse, ajoker-torluselo kattiṁavingmelo, igluṇelo nellī-ne;

21. Judillo, Grichillo okautilauktakka, sāgiarkovlugit Gudemut, okperkovlugillo Nālegaptingnut Jesuse Kristusemut.

22. Mānalo ahāk, uvanga kellersorsim-majunga annernerme Jerusalemūt aijunga, nellolarmalo, kannok tavane piniarmangang-ma,

23. Tamaña kissiet Annernek ajunginek iglugaseksoarne tamaine unertuivok, okarlune: Kellerutillo kappianarnerilla uttakki-vānga tavane.

24. Tamakkoale tamaita sivōragingilakka, innoseralo nangminek ivleringilara, kuviasuklunga nunamenera nāniaromavlugo, kivgartorneralo Nālekamut Jesusemut perko-jauṁanera, okautigekovlugo Gudib saimar-sautā okautsiñut tussarnertuñut.

25. Mānalo ahāk, nellungilanga kēnara tækkoniarungnērpasse illunase, arvertarvigilauktakka, okālavigijakkalo Gudib nālegau-ninganik.

26. Taimaitomik okaupapse uvlome, il-

lumne passijaungilanga aupsingnit tamapse.

27. Angigutilaunginapse, okālavlunga Gudib perkojangiņik tamainik.

28. Taimaitomik māna udsertoritse illipsingnik, illagēktuņiglo illunainik, Annernerub ajunginerub ajokertutilaungmasse tapkoninga, Gudib illagēktitangit pairekovlugit, aungminut pissiarilauktangit.

29. Tamaņa nellunginapko, amakut kēsuktoksuit kingornamne akkonapsingnut pjomārmetta, illagēt kēnginiængileit.

30. Angutittauk illapsingnit sakkeromarput ajokertuiluktomik okarlutik, illinniartut kajumiksarniardlugit ingmingnut ungakovlugit.

31. Taimaitomik udsertoritse, erkailuselo, sorērnanga illunase kaibladlaurapse, Jahreņe pingasuņe ublotillugolo unuamelo kugviudlarlunga.

32. Mānale kattangutiārsukka, Gudemut sapputijaukovapse, saimarsautānullo okausinganut, tapsoma aglisiktitsungnarpāse, tunnitsivigiluselo kingormgujeksapsingnik pilloriktitaujomārtut illagillugit.

33. Silberemik goldemiglonēt pijapsingnik, annoratsapsingniglonēt kaikojilaungilanga.

34. Kaujimavapsinga, aggamnut tapkonunga pinialaurama attoriakalauktamnik, illamalo piksangiñik.

35. Nangminek kaujitalaukpapse tamainik, taimāk sennajuksauvogut ajorsartut piksangiñik piniarluta; Nālekablo Jesusim okausinga erkarlugo, imāk okangmet: Saimanarnersauvok tunnijinek pilitaunermi.

36. Taimāk okarame, sērkortolerpok tuksiarkattigællugit tamaita.

37. Illunatik tava keavaksoadlalerput, Pauluse kongēsingagut erkilugo salutipæt;

38. Tamaña okausek kiksautigiluarpæt, kēnane tækkojauniarungnērtok okangmet. Umiaksoarmut kañilarpæt.

KAPITELEMIK XXI.

*Jerusaleme Paulusib parngnanērsimaving-
mut pititauninganik.*

Taipkoa kemmekaptigik, ingergavluta nachojomik torarpogut Kousemut pivluta, kaungmello Rodisemut pivogut, tagvanget ama Pataramut.

2. Tagvane umiaksoarmik naipitsigapta, Foenitsiamut ikāromajomik, tagvunga ikkivluta, aularpogut.

3. Zypern allakaraptigo, saumikliintivlugo, Syrienmut okomikpogut, Tyrusemut pivluta; Umiaksoak tagvane ussingiartuksaungmet.

4. Tagvane illinniartut naipinaptigik, ublivogut tagvane uvluñik arvengemit aggar-
tuñik; Pauluse tapkoa okautivæt, Annerne-
rub kaujitylaungmagit, Jerusalemut takpa-
ungarkoñago.

5. Uvlut tapkoa nāngmetta, aularpogut,

ingergavluta, illunatik kañilarpätigut, nullia-tiglo kittorngatiglo illagællugit, iglugaseksuit avatānut; immab kiglingane sērkortorluta tuksiarpogut.

6. Sorērutiksamik okarērapta, umiaksoar-mut ikkivogut; tapkoale angengarivut iglo-mingnut.

7. Uvagulle umiaktorērapta Tyrusemit, Ptolomaisemut pivogut, kattangutigēt salu-tidlugit, uvlomik attautsemik ublivogut tap-konane.

8. Kaungmet aularpogut Pauluse illagiv-lugo pijogut Zæsareamut pivluta; Filippusib, okautsiñik tussarnertuñik okautsivaktub, iglunganut itterpogut, (arvengemit aggartut illanget) tamna najulerpavut.

9. Tamna pañekartok sittamanik, uiga-sungnik, nellautsijukseñik okartut.

10. Tagvanenapta uvlunik unnuktuñik, nellautaijok attārpok Judæamit, attinga Agabus.

11. Tikkinamittigut, Paulusib tapserutā tiguvlugo aggañelo ittiggañelo kellersorpēit, okarlune: Imāk Annernek ajunginek okar-pok: Maṭtoma tapserutib innua, Judit taimāk

kellersoromarpæt Jerusaleme, nellojullo ag-gangiñut pitilugo.

12. Tamaña tussaraptigo, innertilerpavut, tagvanetullo, Jerusalemut aikoñago.

13. Paulusible kioveit: Kannok illiorkise, sōg keavise, omættiga sēklugo? pijarērsīmā-gama kellersortautuinarniængilanga tokko-tauniarlungalo aglæt, Jerusaleme, Nalekab Jesusim attinga pivlugo.

14. Innertertaujomangimet sorērpogut, okarluta: Nālekab issumanganik pile.

15. Uvlut tapkoa kingorngatigut oppa-lungaijarērapta, Jerusalemut takpaungarpogut.

16. Illinniartuttauk illangit illagivätigut Zæsariamit, Mnasonmiktauk attelik, Zypern-miok illagivæt, illinniartok itulerlune, tamna najugeksavut.

17. Jerusalemut pigapta, kattangutigët illelliorpätigut kuviasuklutik.

18. Kaungmet Jakobusemut pullariartor-pogut Pauluse illagællugo; angajokajello illunatik tagvunga pigivut.

19. Salutilauramigit, unipkautigilerpeit

malliktigēktidlugit, kannok Gude pilaungmet nellojuñut, tapsoma kivgartorningagut.

20. Tamattominga tussaramik, Nālegak nakkorivlugo; okautivæt: Kattangūt, tau-tukpotit Judit unnuktut tausendenik okper-tuñik, illunatik perkojet nāletsiarpeit.

21. Tussauṁavātille, Judit illunatik nello-juñetauk ajokertorangne, Mosesib (perko-jangit) nālekoñagit, okarlutit, kittorngit kippijaukoñagit, illutsillo taipkoa attorkoñagit.

22. Kannok tagga māna (illingajariakar-ka?) kattiṁajariakarpud illa ipkoa uñugiar-torsuit; tikkitotit tussarniarmatit.

23. Tamattominga tagva nālektigut: Ang-utit māne sittamat, malligeksakarpud okaut-simingnik:

24. Tapkoa illingnut pikit, illagillugit sujungaititaulerit, akkillerlutillo, niakongit kipsarkovlugit; sæglutaulauravit ipkonunga, illunatik tava tukkisilārpātīt tukkekangimet, nangminerle perkojet mallikkangne.

25. Okpertut nellojuñit pijut aglakvigi-laukpavut okarsiṁagapta, tamakkoninga

attoriakangilet, tunnergutille Gudiungituñut kissêta pekkoñagit, aungmiglo, ippiñajomiglo, illokeudlarkoñagillo.

26. Angutit tapkoa Paulusib ingminut piveit sujungailijaukattigivlugit, kaungmet, kattimaviksoarmut itterlune, uvlut sujungaivit nãniarlugit tækkojaujomavlune inailioriakangmet, tunnergutiksettik ingmigõlilitlugit tunnijaulerkãrtiñagit.

27. Uvlut arvengemit aggartut nãkaselermetta, Judit Ñsiamit pijut tækkogamitsuk kattimaviksoarme, innuit illunatik perajaluktidlalerpeit (Pauluse) tiguvlugo, nipliadlartutik:

28. Okokse angutit Israelittit, ikkajortigut! tagva innuk illunane ajokertuijok kigiluktomik innukattiptingnik, perkojeniglo kattimaviksoarmiglo ominga; Grichittauk aglæt ittertinevit kattimaviksoarmut, iglorlo tamna ivsornaitok ivsornartipa.

29. Trofimus, Efesusemit pijok, sivorngagut tækkolauramitsuk illagijanga iglugaseksoarne; taimna Paulusemut aipausugivæt kattimaviksoarmut.

30. Iglugaseksoarmiut illunatik aulajadla-

raulerput, innuittauk tagvunga akpangerlutik kattilerput, Pauluse tiguvlugo kattiṁaviksoarmit tessigoarpæt; tagvaēnak upkuangit pallangërtaulerput.

31. Tokkoniaromangmatsugle, sorsuktukset angajokaviksoanget tussaumalerpeit, Jerusalemint illunatik perajaludlalermetta;

32. Tagvaēnak sorsuktukset illagællugit, kappitaillo hundertuñut, illagællugit sorsugiartulerpeit. Angajokāviksoarmigle sorsuktukseñiglo tækkogamik, Pauluse anaulidla-rungnërpaet.

33. Angajokaviksub tikkinamiuk tiguva, kellaumgujeñut maggoinut kellersortaukolerpa, appersorlaitalo kinaumangat, sumiglo pilaungmangat?

34. Innuille akkorngane nipliadlalerput illangit imāk, assingit imāk; namaktomigle tukkisijungnenginamigit nippersoarnut, sorsuktukset iglunganut ätaukolerpa.

35. Majoarvingmut pingmet, sorsuktukset akkigariakalerpæt, innuit sorsugomangmatsuk.

36. Innugaseksuit mallikamitsuk, nipliadlarput: Tokkosiuk!

37. Pauluse sorsuktukset iglunganut itter-titaugame angajokāviksoarmut okarpok: Okarviginiængilagit? Appersorpa: Grichtit okausingit attorungnarkigit?

38. Egiptermiungilatit, uvlut tamakkoa sivorngattigut illaratsärtitsilaungilatit innu-artuñik 4000 nik innukajuitomut aulartitsivlutit?

39. Pauluse okarpok: Judiovunga Tarsenmit, Ziliziamе iglugaseksuit kaujijaungisiṁangitnt innukattigivānga; kennuvigivagit, okarlanga innungnut.

40. Perkunguago, Pauluse nangerlune majoarvingme, innuit aggangminut nullorarpeit, nippaangermetta, okautiveit Ebræerit okausingiñut, okarlune:

KAPITELEMIK XXII.

Kanoilliornerminik Paulusib kigligiktomik okālaninganik.

Okokse angutit kattangutigēt, angajokajello, akkiornikka illipsingnut tussāsīgik.

2. Ebræerit okausingiñut okarvigingmagit tussaramitsuk, nippangiluarput. Okarpok:

3. Judiōvunga, Tarsenme innulertunga Ziliziame, tamānelo iglugaseksoarne innungortunga Gamalielib ittiggangita sāngane, ajokertortautsiarpunga sivorlipta perkojangiñik, Gudemiglo serngnigosudlalarma, sorlo illipse illunase uvlome;

4. Tamattominga ajokertūsemik okpertut tokkolauktakka, kellersorlaitalo, pitilaitalo parngnanērsimavingmut, angutillo arngnello.

5. Ajokertuinerōjub, angajokajello kattijut taimaitomik illunatik kaujimavānga; tapko-

nanget aglangnik pijunga kattangutigēnut, (Judiñut) Damaskusemut aivlunga, tavane-
tut, kellersorlugit Jerusalemut ätidlarlugit,
pitlartaukovlugit.

6. Ingergartillungale, Damaskuse kagli-
lerlugo, uvlob ketterarningane, kaumajoksub
killangmit tagvaēnak kaumaksärpānga,

7. Nunamut ochovunga, nippelo tussarpa-
ra, imāk pivanga: Saul, Saul! sōg unangmi-
givinga?

8. Kiovara: Nālegak kinauvit? Okauti-
vānga: Jesuseōvunga Nazaremiok, unangmi-
jet.

9. Ingergakattimale kaumajok tækkogal-
loarpæt, erksivlutik; uvamnulle okartub
okausingit tussangileit.

10. Appersorpara: Nālegak, sumik pini-
artuksauvik? NāleKab okautivānga: Mak-
kilutit Damaskusemut ainiaarit; tavane o-
kautsaulärpotit tamainik piniareksarnik.

11. Kaumajuble tapsoma kaumajoksō-
ninganut tautugunginama, ingergarkattima
aggangiñut tessiortaulerpunga, Damaskuse-
mut pivlunga.

12. Tagvanetok angut Gudemik opigosuk-

tok perkojeņik (nāletsjarlune), attinga Ananiase, Judit illunatik pilloriktokotigivæt tagvanetut.

13. Tapsoma pullarpānga, sennimne nangerlune, okautivānga: Saul, kattangutiga, uitit. Tagvaēnak tækkovara.

14. Okarpok: Sivorlipta Gudinget anne-rivātīt, perkojanganik kaujimakovlutit, idlu-artotuamiglo tækkokovlutit, okausinganiglo tussarkovlutit kanninganit.

15. Okautigijomārangne innungnut tamainut, tækkojarniglo tussartarniglo.

16. Tagva māna sōg tuavingikit? nikkovidlutit baptitanulerit, ajornernillo ubvarlutit, Nālekab attinga tuksiarvigilugo.

17. Jerusalemut utterama tuksiartillunga kattimāviksoarme, uvamnīk ikpigijungnērpunga (Jesuse) tækkovara, imāk okautivānga:

18. Tuavitit Jerusalemit annisārlutit; okperiniāngimatit okālaguvit uvamnīk.

19. Okarpungale: Nālegak, nangminek kaujimāvānga, parngnanērsimavingnut pititsilauktunga, unatadlarlaitalo illingnut okpertut, illinniarvingne tamaine;

20. Illingnik okālajub, Stephanusib aungakovijaungmet, nangerpungatauk senniane, tokkoṭauninga idluarigivlugo, tokkotsijullo annorangit udsertulauktakka.

21. Okautivānga: Ailerit, tillijomagapkit ungasiktomut nellojuñut.

22. Okausek tamna tikkidlugo nālelaupæt, nipliadlalerput tava, okarlutik: Innuk imaitok pērle nunamit; idlualungimet innuninga oma.

23. Nipliادلarmettale, annoratsettiglo pēdlarlugit, sangille kungmut egimagit,

24. Angajokaviksub ātaukolerpa sorsuktukset iglunganut, okarlune, anaulidlarlugo kiglissiñiartaukova, tukkisijomagame, suna pivlugo taimak nipliutsormangatsuk.

25. Kellersormatsuk akklunatseñut, kappitaub aipanga senniminetok Paulusib apperiva: Illipsingne idluarka, innuk Romiok kiglissiñiartaungitok ipperartudlarlugo?

26. Tamaña kappitaub tussaramiuk, angajokaviksoarmut okariartorpok, okarlune; Mianersilerit piniarnernik; angut una Romi-
ōvok.

27. Angajokaviksub apperijartorpa: Okautinga Romioguvit? kiova: Ahaila.

28. Angajokaviksub okautiva: Kēnanjavaksoarnik akkillerlunga illagilerpānga (Romiut). Paulase okarpok: Uvangelē innulernimnit Romiovunga.

29. Tuavilutik tava kiglissiniartuksangita allarlugo kemēkpæt. Angajokaviksoaktauk tussarame Romiōjomik, sivōraferpok, kellersortaukolauramiuk.

30. Kaungmet tussaromalerame, Judit patsitiksangiņik, kellerōdsārtaukova, ajoker-tuinerōjut kiglissiņiartuksello tamaita kailkolerpeit; Paulusetauk sakkijartipa tapkoninga.

KAPITELEMIK XXIII.

Paulusib perajaludlartauninganik.

Kiglissiñiartut Paulusib tækkonârpeit okarlune: Okokse angutit kattangu-tikka! idluartomik issumakarlunga Gudemut, innuniarpunga, sulle tamadsa.

2. Ajokertuinerõjub Ananiasib, kannerok-taukova sennianetuñut.

3. Paulusib kiova: Gudib anaulidlaromâr-pâtit, karmak mingoarsimâjok; perkojet malliglugit iksivavlutit erkartorpinga nã-lengnagit perkojet kanneroktaukovinga?

4. Senniane nangertut okarput: Gudib ajokertuitinerõjanga suadlarpiuk?

5. Pauluse okarpok: Nægliktakka kat-tangutigët, kaujimâlaungilara ajokertuine-rõngmangat. Aglait imaimetta: Innukotivit nãlegaunerõningiñut okauserlutsengilatit.

6 Paulusible kaujimagamigit, illangit Sadduzæeriõjut, illangillo Farisæeriõjut,

niplialerpok kiglissiñiartut akkorngane: Okokse angutit kattangutigēt, Farisæeriðvunga, Farisæerib erngninga; erkartortauvunga nerriukama tokkaugajuñit makkitso-märtuñik.

7. Taimak okangmet, Farisæerillo Sadduzæerillo akkerartolerput, innugiartorsuit maggoilivut.

8. Sadduzæerit omartokaromängitomik, Engelekangitomiglo, Annernekangitomiglo okarmetta; Farisæerille tamaiuik okarput.

9. Nipliajoksölerput tagva; aglangnik illissiñajut Farisæerikuñit, nikkovidlutik akkerartolerpeit okarlutik: Innub oma ajortokarninga nachvångilavut; Annerneruble Engeliblonēt okarviginerpago, Gudemut akkerartorniarata.

10. Angijomik perajaludlalermetta, angajokaviksoak sivöralerpok, Pauluse alliktor-tauniarasugællugo tapkonunga. Sorsuktukset okautiveit attersärkovlugit, aksarnigaukovlugo tapkonanget, sorsuktukset iglunganut pitilugo.

11. Unuab tugliane Nālegak (Paulusib) senniane nangerpok, okarlune: Pauluse

mañigorit; Jerusaleme okautigilauramga taimãktauk okautsiniarivotit Romeme.

12. Kaungmet Judit illangit kattilerput, okarlutik, Gudemut pitlartaujomavlutik, nerrijomangitut iñeromanatiglo, kissiane Pauluse tokkokunitsuk.

13. Taimaitomik ingmingnut okanijut, 40-git annukejangit.

14. Tapkoa ajokertuinerõjuñut angajoka-jeñullo okariartorput: Okausekalaukpogut okauserhukluta, (Gudemut) pitlartaujomav-luta, ěsijomanata kissiane Pauluse tokkokup-tigo;

15. Mãna tagga kiglissiñiartut illagællugit, angajokaviksoarmut okaritse, kankpet taimna ätantitsekovlugo (Paulusemik) illipsingnut, sorlo kiglissiniaromalvarpose tapsominga; uvagulle sivogijomagalloarpegut tokkoniar-lugo illipsingnut tikkekãrtiñago.

16. Paulusib ujoroet tamaña angigutsijut tussaramiuk; Pauluse akparpa sorsuktukset iglunganut.

17. Kappitait illanget Paulusib kaikovlu-go, okautiva: Innuosuktok una pititsuk

angajokaviksoarmut, okausiksakangmet tap-somunga.

18. Neksarlugo tagva angajokaviksoarmut pitipa, okarlune: Paulusib kellersorsimajub kaikovlunga, kennuarivānga innuosuktok una illingnut piterkovlugo, okausiksakangmet illingnut.

19. Angajokaviksub tava tessiorlugo iglerterupa, appersorlugolo: Sumik okautsomavinga?

20. Okarpok: Judit ingmingnut okarsimavut, tuksiarvigijomavlutit, Pauluse kaukpet kiglissiñiartuñut illingnut ātautekovlugo, sorlo kiglissiñiaromaluarangne.

21. Igville nālengniarnagit; taipkonanget 40 git unnukejangit angutit udsertorasuarmatsuk, ingmingnut okarsimajut okausiluklutik, nerrijomangitut iṃeromanatiglo, kisiane Pauluse tokkokunitsuk; mñanalo pija-rērput uttakkivlutik perkojarnik.

22. Innuosuktok tava angajokaviksub aularkolerpa, okaudlugo: Innungmut attautsemullonēt okarniarnak, tamattominga okautilauramga.

23. Kappitangnik maggungnik kaikojivok, okautivlugik: Sorsuktukseñik 200 nik oppal-lungaijaritse, Zæsariamut pijukseñik, nergsutsoartalingniglo 70 nik, pittiksilingniglo 200 nik nellunaikutak pingasulerpet unu-ame;

24. Nergsutsoarmiktauk Paulusib attorek-sanganik, nunab attanninganut, Feliksemut ätlugo, sapputijaulerlune.

25. Aglakivok taipsomunga, imäk:

26. Klaudiusib Lisiab kuviasukkova nu-nab attanninga nakornerpängojok Felikse!

27. Angut una Judiñut tigujaunjok, taipko-nungalo tokkotaukaselaungmijok, uvangale sorsuktukset illagivlugit aksäriartorpakka tapsominga, Romiojok tukkisilerapko.

28. Patsitiksangiñik tussaromagama, kig-lissiñiarvinganut äpara.

29. Suna ubva tukkisivunga, perkojangiñik sppersõtit piblugit passijauvok; passijek-saungilarle tokkotsitiksangõnrmik keller-sortautiksamiglonët.

30. Tussaumaleramalo, Judit illangit ang-igutsivlutik udsertorasuarpæt tokkotsomav-lugo, errinësutilerdlugo illingnut tillivara,

passiklertuttauk illingnut okarkovakka, sumik patsitekarmangata tapsomunga. Innut-siarpagit!

31. Pauluse tava sorsuktukset, taimäk perkojaugamik, aularutivæt Antipatrismut unuame.

32. Kaungmelle nergsutiggitt sorsuktukset aikolerpeit (Pauluse) illagællugo, (taipkoale) utterput sorsuktukset iglunganut.

33. Tapkoa Zæsariamut pigamik, aglait tamakkoa tunniveit nunab attanninganut, Pauluselo sakkertipæt tapsomunga.

34. Aglait attuaramigit nunab attañinga appersorpok, nunamit nelliangnit pingmang-at? Ziliziamit pijomik tussarame, okarpok:

35. Kiglissiñiaromavagit, passiklertut illingnik tamaunga pingmikpetta. Ittertitaunkova Herodesib kiglissiñiarvinget iglunganut.

KAPITELEMIK XXIV.

*Tertullusemut Paulusib passijauning-
anik.*

Uvlut tellimaulermetta ajokertuinerõjok Ananiase angajokajet illagivlugit, okaloriktorlo, attinga Tertullus attärput; tapkoa nunab attanninganut sakkijarlerput, Pauluse pivlugo.

2. Kaikojaungmet, Tertullus passiklilerpok, okarlune:

3. Attannek, nakornerpångõjotit Felikse! ullapirsautekarapta innutsiarlaptalo attannionerne, idluartuinarnik innuit ukkoa pitsiarangne, sillatojoksõgavit, tamakkoninga tamainik kujagitsainarpaptigit.

4. Akkunërtinægle, kennuvigivagit, saimajoksõgavit annikitoärsungmik okausip-tingnik näleksälaurit.

5. Angut una tukkisilaukpavut, uivëtok-

soak, sillaksoarme illunane Judit tamaita perajaluktilaukpeit, Nazaræerit ajokertûsekullungiñik ajokertuinerset illanget;

6. Kattiṁaviksoaktauk ivsornartidlugo òktorasuarlauktok; taimaitomik tigulaukpavut perkojiptingnut erkartortaukojomavlugō.

7. Angajokaviksuble Lisiasib, pitsartudlartomut aksariartorpätigut tapsominga.

8. Passijingit illingnut aikoveit; tapkonanget nangminek kiglissiñiarungnarpotit pijomaguvit, tukkisileravit tamainik sunagañernik passidlarmangaptigo.

9. Judit illauglugit okarivuttank, tamakkoa taimaiput.

10. Pauluse, nunab attanninget ijingmingmago okarkovlugo, kiolerpok: Kaujimagapkit, Jahreñik unnuktuñik erkartuijotit, innungnut ukkonunga, sivõrananga akkiorvigijomavakka.

11. Nellojungnërniarpotit, ublut arkangemit aggartutuinaumetta, Jerusalem tuksariartorama;

12. Kattiṁaviksoarmelonēt naipilaungi-

lānga okartillunga innungmut attautsemul-
lonēt, innungniglonēt perajaluktidlunga,
illinniarvingne, iglugaseksoarnelonēt.

13. Tækkolaungimarikpullo tamakko-
ninga, mǎna passikliutimingnik uvamnik.

14. Angigutijomangilagille, mattominga
ajokertūsek, imna ajokertūsekullungmik
taijanget, tamna taimǎk attuarlugo, sivurlima
Gudinget nǎlekpara, tamaita perkojeñe nel-
lautaijuñelo aglaksiṁajut okperivlugit.

15. Gudelo okperivara, tapkoalo nangmi-
nek nerriugijanget, tokkungajuñik omaro-
mǎrtuñik, ajungitulliartuñiglo ajortulliar-
tuñiglo.

16. Taimaitomik idluartomik issumaka-
rasuarpunga illunǎne Gudemullo innung-
nullo.

17. Jahrit unnuktut nǎngmetta, innukat-
tima tujusiangiñik tunnergutiñiglo (Gude-
mut) tikkidlunga ātsigama;

18. Judit illangit Āsiamit pijut, naipi-
pānga, sujungailijautillunga kattiṁaviksoar-
me, perajaluktokaranelo pikablajokatsengi-
lak.

19. Taipkoatauk mǎnetuksaugalloarivut sǎngne, unertuivigilit, patsitiksakarunik uvamnut.

20. Ukkoalonēt nangminek okarlit, sumik idluangitomik mallugiguninga, kiglissiñiartut sǎngiñe nangertillunga;

21. Okausek una kissiane pigunitsuk, niplialaurama akkorngane nangerdlunga: Tokkungajuñit makkitsomǎrtuñik (okperama) erkartortauvunga illipsingnut uvlo-me.

22. Feliksib tamaña tussaramiuk, taimaituinarkova mǎna, ajokertūsek tamna kaujimatsiaramiuk, okarpok: Angajokaviksoak Lisiase tamaungarpet, kiglissinniaromavapse.

23. Kappitauble aipanga okautiva: Pauluse ingminut pitekovlugo, kellersornago, illangita nelliellonēt iñerternagit pullaromakpatsuk kivgartoromallugolonēt.

24. Uvlut illangit nǎngmetta Felikse tikkipok nulliane Drusilla illagællugo, tamna Judiojok, Pauluse kaikolerpa, okǎlajok tussarpa okpernermik Kristusemut.

25. Idluarnermigle, illokeujungnērnermiglo, erkartuijokaromārtomiglo (Pauluse) okangmet; Felikse sajulerpok, okarlune: Māna aularit, ullapingikuma kaikojomagivagit.

26. Nerriukpoktauk Paulusemit kēnaujeņik tunnitsivioniarasugællune, aularkoguniuk; taimaitomik kaikokattarpa, okausekarvigællugo.

27. Jahrik maggulermēnik, Portiusib Festusib Felikse simmerpa; Feliksele nertortaujomagame Judiņut, Pauluse kellersorsimajok kemmekpa.

KAPITELEMIK XXV.

*Attannivingmut Pauluse pititaujomagame
okarninganik.*

Festuse nunamut (Judæamut) pigame, uvlut pingasulermetta Zæsariamit timuarpok Jerusalemut.

2. Ajokertuinerōjut, Judillo angajokangit tikkipæt Pauluse pivlugo, tuksiarvigivæt.

3. Kennuvigivlugo tussartaujomavlutik taimna pivlugo, Jerusalemut kaikojaukovlugo, tapsomunga (illatik) udsertorpæt, apkome ingergartillugo tokkotsomavlugo.

4. Festusib kioveit: Pauluse udsertortau niarpok Zæsariame, nangminerlo killamik taunungarniarlune okarpok.

5. Illapse nelliet mǎna, okarpok, sappingitut taunungakattaulit, idluitomik pilaukpet, angut taimna unertsuinerlotigilitsuk.

6. Tapkonanele uvlut tellimaujortut unnukejangiñik ubligame, Zæsariamut attār-

pok; kaungmet kiglissiñiarviub iksivautanganut inginame, Pauluse aijaukova.

7. Tamnale tikkimet, Judit Jerusalemit attālaunktut illuvæt, passiklilerlutik unnuktuñik okumaituñik Paulusemut, nauk taimaitomik tækkolauratiglo (tussalauratiglonēt);

8. Imāk akkiorvigingmagit: Idluitomik pilaungilanga Judit perkojangiñut, kattiṃaviksoarmullonēt, Attannivingmullonēt nau māne.

9. Festusible nertortaujomavljune Judiñut, Pauluse kiovlugo, okautiva: Jerusalemut pijomavit, tavane erkartortaujomavlutit uvamnut tamakkoa pivlugit?

10. Pauluse okarpok: Attanniviksub kiglissiñiarvinget sānganut pijeksauvunga, tavane kiglissiñiartaujariakarpunga; Judiñut idluitomik pilaunginama, igvit nangminek kaujimatsiarparma.

11. Idluitullialaurumale tokkotsitiksangõnermiglonēt pilauruma, kunnulungilanga tokkoniarlunga; taimaitokangipelle uvamnut passiklerningiñik, tapkonunga tunnijaujungnængitunga; attannivingmut pijomavunga.

12. Festuse kiglissiñiartullo ingmingnut okalaukãrdlutik, kiovæt: Attannivingmut pijomagavit, attannivingmut piniarpotit.

13. Uvlut illangit nãngmetta Attannivik Agrippas Berniselo Zæsariamut pivuk, Festuse tækkongiordlugo.

14. Uvluñik unnuktuñik tagvanemeñik, Attannivik Festusib unipkaupa Paulusemik, okarlune: Angut ovanepok, Feliksib kemek-tanga kellersorsiñajok;

15. Jerusalemetillunga, ajokertuinerõjut Judillo angajokangita unertsuinerlõtigijartorpæt uvamnut, kennuvlutik, erkartortaukovlugo;

16. Kiovakkale: Romiut illusekangilet, innuk pitilugo tokkotauniarlune, kissiane passijaujub passijinelo attautsimelutik, patsitiksak pivlugo akkiiorvigijungnarunikit;

17. Tamaunga tapkoa pingmetta, nokkangilanga, kaungmet kiglissiñiarviub ikisivautanganut ingipunga, angullo tanna aijaukovara.

18. Tapsomunga illingajomik, passiklertut illungmatsuk, patsitiksakangilet, pijariakarasugijamnik.

19. Apperkuttekarpuhle tapsomunga okpernekullungmingnik, tokkungajomiglo Jesusemigõg, Paulusib omartok okautigijanganik.

20. Apperkuttinget tamaña tukkisinginapko, apperivara, Jerusalemut aijomangmangat, tavane erkartortaujomavlune tamatominga?

21. Paulusible attanniviksub okausinga nãlegomagamiuk okangmet; tagvanekovara, attannivingmut pititsomavlugo.

22. Agrippasele Festusemut okarpok: Angut tamna nangminek tussaromavara; kiova: Kaukpet tussarniarpet.

23. Katngmet, Agrippase Berniselo tikki-meñik ãnanausavaksoadlarlutik, kiglissiñiarvingmullo itterlutik, angajokaviksuillo nãlegaunerillo iglugaseksoarne illagivlugit, Festuse perkojingmet, Pauluse ãtaulerpok.

24. Festuse okarpok: Attannek Agrippase, angutillo okokse illunase tagvane uvaptingnut illaujose; tækkovasse tamna Judit illunatik okautigijanget uvamnut,

Jerusalemelo mǎnelo, nipliadlarlutik: Inno-
jungnǣrtuksaujok.

25. Tokkotsitiksangõnermigle pilaungimet
tukkisilerapko, nangminektauk attanniving-
mut pijomangmet, issumasimāvunga tillijo-
mavlugo.

26. Attannivingmulle sumik tukkilingmik
aglagèksakanginama tamna pivlugo; illip-
singnut sakkertaukovara, illingnulle piluar-
lugo attannek Agrippase! (tussartaukovlugo)
aglagèksakaromavlunga kiglissiñiartaukãr-
tillugo.

27. Tamaña idluarasugingilara, keller-
sorsiñajok ātautilugo, passijauningalo tai-
nago.

KAPITELEMIK XXVI.

Agrippamut Paulusib kiglissiñiartauning-anik.

Agrippasele Paulusemut okarpok: nangminek okartuinariakarpotit. Paulusib aggane isseklugit akkiorklugit ingminik okälalerpok:

2. Tamaña angijomik kuviagivara attanek Agrippase, uvlome tussätillutit akkiortuksaugama, tamaita pivlugit, Judit passiklerningit uvamnik;

3. Taimailuarpunga Judit illusingit apperkuttingillo kaujimagangue. Taimaitomik tuksiarvigivagit, kennuēlutit tussartaujomavlunga.

4. Kiglinganit innotsima illusingit innukattima akkorngane Jerusaleme, Judit illunatik kaujimaveit.

5. Kiglinganit illitarivānga (okaromagu-

nik). Farisæeriõjunga, Gudemik kivgartor-
nerset illanget, illusingit attualauktakka.

6. Mänale nangerpunga, erkartortauv-
lunga okperama Gudim okausinganik, tunni-
janganik angajokaptingnut.

7. Arkangemit aggartut kinguvångukatti-
gēt illavut nerriugivlugo ungagivæt, Gude
kivgartorlugo uvlotillugolò unnuamelò sorë-
ratik. Taimaitomik okperama attannek
Agrippase, Judit unertsiiunerlötigivãnga.

8. Sög tamaña okpernangika illipsingne?
Gudib tokkungajut omartitsomärmagit?

9. Uvangatauk issumakalaurivunga, Jesu-
sib Nazaremiub attinga angijomik akkerarto-
rèksarijara.

10. Jerusaleme tamailiolaurivunga, ok-
pertut unnuktut parngnanërsimavingmut
pititakka, ajokertuinerõjuñut perkojaulera-
ma; tokkotaulerangettalo, perkovlugit ikka-
jortunga.

11. Illiñiarvingne tamaine kappiasukte-
kattartakka, mittautaunartomiglo okarkov-
lugit aksogòtilauktakka, sillaitorsõlarmalo
taipkonunga, tækkorngartuttauk iglugasek-
soangiñut unangmijakka.

12. Taimaitomik, Damaskusemuttauk ingergama, ajokertuineröjuñut perkojauv-lunga ajugautitaularmalo;

13. Nægliktok attannek, uvlok ketterar-met ingergartillunga, kaumajok tækkojara killangunit, sekkerugub kaumaninganit kau-maluartok, tamattoma kaumaksärpänga ingergarkattikkalo.

14. Nunamut illunata ochogapta, nippe uvamnut okartok tussarpara, Ebræit okau-singiñut okartok: Saul, Saul, sōg unangmi-givinga? sulokamik tukarlutit ajorsalero-märpotit.

15. Okarpungale: Nālegak kinauvīt? Okarpok: Jesuseōvunga unangmijet; mak-kilatille ittiggangnut tutit.

16. Tækkotipunga illingnut imāk pivlugo, kivgartortitsomagapkit, okālakovlatillo tæk-kojarnik, tækkotitsomajaanniglo sulle illing-nut.

17. Sapputijomavagillo innungnit nello-juñillo, tapkonunga mäna tillivagit,

18. Uitalerkovlugit ijingit, tåktomit sägiarkovlugit kaumajomut, Satanasiblo

pitsartuninganit Gudemut, ajorningit issumagijaujungnērkovlugit, kingormgujuksamiglo pekkarkattigekovlugit ivsornaititaujomārtut, okpernermut uvamnut.

19. Taimaitomik attannek Agrippase tækkojamnik killangmit nālengnerlungilanga;

20. Okālavungale sivorlermik Damaskusemetuñut Jerusalemetuñullo, Judæablo nunanganetuñut tamainut; ama nellojunullo, kakkialerkovlugit, sāgiarkovlugillo Gudemut, sāgiarsimajotullo piniarkovlugit.

21. Tamaña pivlugo Judit tigudlarpānga kattiṁaviksoarme, tokkonasuardlungalo.

22. Gudible piulingmanga, tagvanepunga sulle uvlome, ajokertuivlunga angijullo mikkijullo tussātillugit; assianik okālananga nellautaijullo, Mosesiblo, pijoka romārtomik, okautigilauktangiṁik kissēnik (okarpunga),

23. Illa Kristusemik āniatitaujuksamik, sivorliolunelo tokkungajuñit makkitsomārto-mik, okantigijaukovlugo neñergoamik in-nungnut nellojuñullo.

24. Taimak akkiormet ingminik, Festuse nipperkortovlune okarpok: Pauluse! illissimaidlarpotit; illissimanivit sillaitipātīt.

25. Okarporle: Nalegaunersoak Festuse! sillailungilanga, okautsiñigle okpernartuñik sillatojuñiglo okarpunga.

26. Attannivik nangminek tamakkononga kaujimangmet, tapsomunga sivõrananga okarpunga; nellojosuginginapko tamakkononga tamainik; sagvangitome tamaḱkoa pingimetta.

27. Nellautaijut okperivigit? Attannek Agrippase! kaujimavagit, okperijettit.

28. Agrippasele Paulusemut okarpok: Kajumiktekasekparma Kristusemioniarlunga.

29. Pauluse okarpok: Unēt taimainerõvotit taimainginerõvotillonēt, Gudemut tuksiarpunga, kannoktõk kissiviungitok, uvlomele tussartut illunatik okausimnik, uvaptun-ik-ovlugit, kellerutikka makkoa kissēta pina-git.

30. Taimāk okangmet, attannivik nikkovipok, nunablo nāleganga, Berniselo, iksiva-kattingillo.

31. Iglerterput ingmingnut okarlutik: Angut una tokkotsitiksangõnermik kellersortautiksamiglonēt, pilaungilak.

32. Agrippase tava Festusemut okarpok: Angut una aularkojèksaulauktogalloak attanniviksoarmut pijomalaungipet.

KAPITELEMIK XXVII.

Nangiarnartomik Paulusib umiaktorninganik.

Italiamut umiaktortuksaujogut, okarsimājokangmet, Pauluse assingillo kellersorsimajut kappitangmut pitipeit, attinga Juliuse, attanniviksub sorsuktuksangita illanget.

2. Adramitemiut umiaksoanganut ikkivluta, allivarpogut Āsiab senniagut okomigomavluta; Aristarchusib Macedoniamiub Tessalonichamit illagivātigut.

3. Kaungmet Sidonemut pivogut. Juliuse Paulusemik pitsiadlaramē, perkogiva illanāminut pullarkovlugo, nerrititaukovlugolo.

4. Tagvanget allivarapta, Zypernib senni-agut okomikpogut, añore aggornarmet.

5. Ziliziablo Pamfiliablo iṁangangne okomikluta, nunalipogut Myramut Lysia-me.

6. Tagvane umiaksoak Aleksandriamit pijok, Italiamut aularnialertok naipipa kappitaub; tagvunga ikkerkovâtigut.

7. Okomikluta sokkainapta, uvlunîk uñuktuñik Gnidenmut kēta pivogut, (annore aggoraptigo) Kreta sennerkordlugo torarpogut Salmonimut.

8. Tamna serlek kângerdlugo nunalipogut, umiakovigiktomik taijamut, kannitangane iglugaseksuit Lasea-ïput.

9. Akkunēdlalaurapta, umiaktornerlo māna nangiarnalermet, nerritailinerlo kangiutiermet, Paulusib innerterpeit, okautivlugit:

10. Okokse angutit! umiaktornek tamaña nangiarnarasugilerpara, umiaksoarlo ussingillo kissimeungitut, innosivullo aglæt pivlugit.

11. Umiaksuble nāleganga kappitaublo aipanga sorsuktukset kappitangetta okperinersarivak, Paulusib okausinganit.

12. Umiakovik idluangimet okkēviginiarlugo, unnunerset okarput, tagvanget aularlutik òktoromavut Foenitsiamut okkējartoromavlutik; Kretame umiakovik uarngnerluarmullo uarngnamullo sāngmijok.

13. Kavangarnilermet, namaksinasugivut pijomajamingnik, kissartik amuvlugo, Kreta sennerkopæt.

14. Añikitomigle kingorngane annorersub tuavirub tikkipeit, attuarnermik taijaugub.

15. Umiaksoak tiktautidlarmago annorer-soarmullo ajulerapta, issumaminik sāvitituinalerpavut.

16. Kikkertärsuk tikkileraptigo, attinga Klauda; umiarāmik amuarluta sappikasekpogut.

17. Kakkinaptigo, ikkajortaujariakarput umiaksoak kellersorpæt; siorarsoarmut ikkariniarasugællutik, tingerautet kattektidlugit sāvipogut.

18. Akkunaksoarmut kappiasuktitaudlalerapta, kaungmet (umiaksoak) ussingiardlugo illangiñik egiorkarpeit.

19. Uvlut pingajuane umiaksub perkut-tingit egiorkarpavut aggaptingnut.

20. Uvluñik uñuktuñik sekkenekkaranelo ubloriakangimet, akkunaksoarlo mikkingimet, innuniarnermik kollalerpogut.

21. Nerrekañmerungnërmetta, Pauluse akkornganit nikkovidlune okarpok: Okokse angutit, nãlelaurupsinga Kreta kemmengnago, kappianartub tikkinajalaungilãtigut assiujinatalo.

22. Mãnale okaupapse, nangiarniarase; tokkojokarniatsenginapse, umiaksoak kissime asserolãrpok.

23. Unuak Engelib najoraminga Gudemit, tapsoma pigivãnga kivgarilarmalo,

24. (Imãk) okartok: Pauluse nangiarnak: Attanniviksub sãnganut pititaujuksauvotit, ahaglo, ingergakattitillo tamaita Gudib tunnilaukpeit illingnut.

25. Taimaitomik okokse angutit, kuviasugitse; Gude okperivara okautsaugama taimailãrmet.

26. Kikkertamulle appõrniarpogut.

27. Unuarle arkangemit sittamartut nelliutingmet, sunatuinarmut tiksilerkattarluta Adriab immangane, unuak ketterarmet umiaktortut nuna ungasingitsugilerpæt.

28. Nausaiket ningitinamitsuk ittininga
20 nik issekterpæt, sivorvallärsukamik ama
nausaiket ningitinamitsuk ittininga issekter-
pæt 15 nik.

29. Illimasuleramik ikkariniasugællu-
tik, kissarsuit sittamat umiaksúb akkoanit
ningitipeit, killanärlutik kaulerkojjoma-
vut.

30. Kippalulle umiaksoak kemmāgasuara-
mitsuk, umiarak ningitipæt immanut, okar-
tuinarlutik, kissaksuit sivoanit ningititsomav-
lugit;

31. Kappitak sorsuktuksello Paulusib o-
kautiveit: Ukkoa umiaksoarmēngikpetta in-
noniatsengilase.

32. Umiarab pitōtangit sorsuktukset kib-
lorpeit immānut singisimālertilugo.

33. Kaulermet Paulusib nerrekolerpeit
tamaita okarlune: Tagva uvlut arkangemit
sittamalerput, uttakkinermut nerrinase, su-
miglonēt ēsilaungilase.

34. Taimaitomik kaiblerpapse, nerrititse
nekkorsekovluse; nujarlonēt attausek kat-
tengniængilak niakopsingnit.

35. Taimak okarame, kakkojamik tigusiv-

lune Gude kujagiva tamaita tækkoane, avgorlālo nerrilerpok.

36. Illunatik tagva kuviasulerput nerri-
lerdlutiktauk.

37. Umiaksuble innungit tamaita 276
īput.

38. Kāgungnēramik umiaksoak okigli-
giarpæt, kakkojekset immānut egilugit.

39. Kaungmet nuna illitaringilæt, kang-
erdlugle tækkovæt, siksanga innāungitok;
tagvunga umiaksoak uerksärtitsomalerpæt,
ajornangipet.

40. Kissaksuit amuaramikit, sāviput akū-
tælo kellerutinga kellerōdsāramitsuk, tinge-
rautak senningajok amuvæt, siksak torarlu-
go.

41. Ikartok tikkipæt, avamigut innilik,
tagvunga umiaksoak ikkarepok, sivua tava
apōrpok aulajungnērdlune, akkoale maggīt
pitsartuningiñut asserortaulerpok.

42. Sorsuktukselle okarpūt, kellersorsim-
majut tokkotsomavlugit, nelliellonēt tapko-
nanget nelluglune kemmākoñago.

43. Pauluse kappitaub piulijomagamiuk,

innerterlugit pijungnërtipeit, perkojivlunelo, nellugungnartut sivorliõlutik nellugkoveit, nunamut.

44. Assingille (piulivlutik) illangit sãtujenut, illangillo umiaksub serkominikungiñut. Taimailioramik illunatik nunamut pivlutik piulijaulerput.



KAPITELEMIK XXVIII.

Maltame Paulusib tattaminiartitsininganik.

Piulijaulerapta tussarpogut, kikkertab attinga Malta.

2. Maltamiulle mikkingitomik pitsiarpãtigut, tamapta pullarkovãtigut, ikkomamik ikterlutik, sillaluksub tikkimattigut, keujanarlarmelo.

3. Pauluse akkerkuñik kattersigame, ik-

komamut illivlugit, onarkejarnermut kuglugiak sakkijarpok, aggangiñut nimaklördlune.

4. Maltamiulle tækkogamitsuk kuglugiak aggangiñit nivingajok, ingmingnut okarput: Innuk una innuartok nellonangilak, Gudib innukongimago, nauk iñānit piulijaujok.

5. Kuglugiarle ikkomamut kipsaliktutiva, idluitomut pijaunane.

6. Uttakkilerput publerniarasugællugo, tagvaēnarlonēt tokkoniarasugællugo. Akkunille uttakkivlugo, idluitomulle pijaungitok tækkogamitsuk, assianik issumakalerput okalarmiglo, Gudeōjok una.

7. Kikkertab angajokanget, attinga Publiuse, tamattoma erkāne nunakartok; tapsoma iglominut pitipātigut, uvlunnik pingasunnik angajokauvigivātigut.

8. Publiusim angutā kannimajok onartomik, aungmiglo anarartok; tapsomunga Pauluse itterpok, tuksiarlarmelo (Gudemut), aggangminut pattiklugo pijungnērtipa.

9. Taimailingmago tamna, kannimajut assingit kikkertametut kaigivuttauk, pijungnērtitauniarivlutik.

10. Tamakkoatauk angijomik nertorpāti-gut, takkoaksaptingniglo tunnitsivigivātigut aularnialerapta. P

11. Takkit pingasut nāngmetta umiakso-armut Aleksandriamit pijomut aularpogut, kikkertame tamāne okkēlauktok. Nellunai-kutalik Kastorlo Pollukselo.

12. Syrakusamut nunalipogut, tagvane pingasuñik ublivogut.

13. Tagvanget avalerkapta, Regionemut pivogut; kaungmet kavangarnilermet, uvlub aipangane Puteolenmut pivogut.

14. Tagvane kattangutigēnik naipitsivogut, tapkonunga ublekojauvogut uvlunik sittamanik pingasuñiglo, Romut tava aularpogut.

15. Tavanget, kattangutigēt tussaumaleramittigut pachrearpätigut, Appiferelo Tre-tabernelo tikkidlugik. Paulusib tækkogamigit Gude kujagiva, kувiasulilarmelo.

16. Romulle pigapta, kellersorsimājut kappitaub pitipeit kappitaviksoarmut; Paulusele ingmigut perkojauvok, sorsuktuksamūt attautsemut ndsertortauvlune.

17. Uvlulle pingasulermetta, Judit angajokangit Paulusib kaikoveit. Kattiṁangmetta okautiveit: Okokse angutit kattangutigēt, nauk idluitomik pingitunga innukattippingnut, sivorliptalo illusingiñut; taimaitunga kellersorsimmavlunga Jerusalemit tunnijaujunga Romiut aggangiñut.

18. Tapkoa aularkojomalauralloarpānga kiglissiñiaraminga, tokkotsitiksangõnekangimet uvamne.

19. Judille tamattominga akkerartormetta, attannivingmut pijomavlunga okariakalerpunga; unertsuinerlõtekariartornanga pivunga innukattimnik.

20. Tamaña pivlugo tamaunga kaikovapse, tækkojomavluse okautsomalapselo; Israelib nerriuninget pivlugo, kellersorsimavunga kellaumgujeñut ukkonunga.

21. Kiovælle: Aglangniglonët pingitogut Jüdæamit pivlutit; kattangutiptalonët nelliet unertsuinerlõtigijartulaungilätit.

22. Illinguille tussaromavogut, kannok issumakarmangarpit. Tussaumagapta tamattominga ajokertüsesemik illunane akkerartortauvose.

23. Uvlomik taingmatsuk (nelliutingmet) unnuktut pullärpæt sinniktarviane, tapkoninga ajokertuivlune okälavok Gudib nälegauninganik, Jesusemiglo ajokertorlugit Mosesib perkojangiñit, nellautaijuñillo, uvlämit unungmut aglæt.

24. Illangit okauserijangiñik okpilerput; illangille okpingilet.

25. Ingmingnut illanärënginamik apter-

put, Pauluse imäk okangmet, Annernek ajunginek okalauralloarpok nellautaijokut Jesaiasekut angajokaptingnut,

26. Okarlune: Innungnut ukkonunga ainiairit, okautivlugit: Siutipsingnut tussaromärpasse, tukkisinagolo; ijipsingnullo tækkojomärpasse illitarinagolo.

27. Innuit ukkoa omættingit mangaidlar-metta, siutimingnullo tussänerludlarput, sikkungerlarmiglo tækkojomanatik, tussäjomanatiglo, tukkisijomanatiglo, omamingnut sãgiaromanatiglo, uvanga innulivlugit.

28. Tussaumaleksiugle tamaña Gudib saimarsautã tillijauvok nellojuñut; taipkoa tussagõromärpæt.

29. Taimäk okangmet, Judit aularput, ingmingnut unnuktuñik appersorlutik.

30. Paulusele Jahrenik maggungnik iglugiva nangminek akkilerlugo sinniktarvik, pullärtine tamaita illelliorpeit.

31. Gudib nãlegauninganik okälavlune, Nãlekamiglo Jesusemik ajokertuivok sivõranane innertertaunanelo.

Ayer

3A

696

